

篋

中

詞

篋中詞

今集四

仁和譚獻篋錄

項鴻祚蓮生憶雲詞

東風第一枝

擬小山

關草庭閒。簸錢院靜。東風吹滿香絮。薄寒尙勒花期。天意似催春暮。杏梁歸燕。幾曾會、會相息言。語。便等閒飛入。盧家不帶離魂同去。空自想、俊游伴侶。又煩惱、酒邊心緒。鸞牋待寫。深情腸斷。都無新句。初三下九。問舊約、更誰憑據。怕有人、蹙損雙蛾。日晝樓聽雨。

南浦

詠柳

春水漲谿渾是濛濛昨夜楊花吹徧走馬問章臺長隄外和雨  
和煙一片纖腰自舞料應未識相思怨可惜笑桃人別後孤負  
年年青眼怪他眠起無端好光陰都付小鶯雛燕不向陌頭  
看爭知我盡日魂銷腸斷絲絲縷縷幾時繫得東風轉且去西  
泠橋畔等萬一樣船相見

水龍吟

魚荷

瑤池昨夜新涼一庭環佩秋聲碎多應卷盡晴絲萬縷靜香十  
里鷺悵盟寒鷺驚夢冷畫闌誰倚臘吳娃小艇采芳重到料比  
似人蕉萃可是凌波仙子嫁西風靚妝都洗碧簫喚酒紅衣  
試舞舊歡難記怕點清霜怕逢疏雨怕隨流水算關心只有跳

珠零亂作相思淚

減字木蘭花

春夜聞隔牆歌吹聲

闌珊心緒醉倚綠琴相伴住一枕新愁殘夜花香月滿樓  
一絲  
笙脆管吹得錦屏春夢遠只有垂楊不放秋千影過牆

湘月

壬午九月避喧於南山之甘露院就泉分茗移枕看山相  
羊溪旬歷念都淨出院不百步越小嶺卽虎跑也嘗月夜

獨游清寒特甚賦念奴  
嬌隔指聲一闋紀之

緹河一雁帶微雲澹月吹墮秋影風約疏鐘似喚我同醉寺橋  
煙景黃葉聲多紅塵夢斷中有檀欒徑空明積水詩愁浩蕩千  
頃  
乘興欲叩禪關殘螢幾點颭寒星不定清夜湖山可付與  
詞客閒來消領跨鶴天高盟鷗緣淺心事塘蒲冷溯風狂嘯滿

詞四  
林宿鳥都醒

清平樂

池上納涼

水天清話院靜人消夏蠟炬風搖簾不下竹影半牆如畫醉  
來扶上桃笙熟羅扇子涼輕一霎荷塘過雨明朝便是秋聲

摸魚子

殘春湖上閒游

正鴛機花明畫錦雨絲織到愁處杏鈿狼藉青蕪國前度鳳鉤  
香汚湖上路問孤負良辰美景誰院宇殘簫倦鼓賸占舡輕橈  
垂簾小楸煙柳短橋暮空贏得采壁畱題秀句淒涼醉玉風  
度舊時繫馬門前樹一片綠陰吹霧聽燕語謾說道薔薇後約  
今在否銀箏自譜儘付與紅兒酒邊緩唱忍淚看春去

蘭陵王

春晚

晚陰薄人在酴醾院落鞦韆罷還倚瑣窗花雨和煙冷銀篆近  
來情緒惡遮莫青春過卻單衣減沈水自熏酒病經年怯孤酌  
低低燕穿幕任箋綠綃紅心事難託柳絲繫夢輕飄怕歎衾  
鳳羞展鏡鸞空掩思量睡也怎睡著恨依舊寂寞 妝閣閉魚  
鏰怕唱到陽關簫譜慵學夜占蛛喜朝靈鵲祇目斷千里錦帆  
天角玲瓏簾月照見我又瘦削

揚州慢

廣陵舟次

脫葉辭螢涼波送雁繫船野舣疏林望重城靜鎖聽斷續寒隄  
且隨分江湖落拓二分明月閒到而今漫多情紅袖琵琶彈破

愁吟 竹西舊館太荒寒休去登臨縱畫舫垂燈朱闌喚酒都  
是傷心我亦風流秦七青樓遠有夢難尋剩隋隄楊柳吳霜染  
得秋深

浣溪沙

紅橋步衍波詞韻

水近雷塘緩緩流綠楊風軟不知秋教人無賴是揚州 畫舫  
載來歌舞夢玉簫吹破古今愁舊時明月照迷樓

八聲甘州

重陽游百花洲

更不須攜酒看黃花淒涼勝游稀但蘇翁園外藏雅細柳相對  
依依回憶西湖舊夢秋水浸漁磯今日登臨地風景都非 自  
折茱萸簪帽歎沈疇瘦減淚滿萊衣況天涯兄弟不似鴈同飛

誤江樓玉人凝竚盼歸舟我尙未能歸休長望有闌干處總是斜暉

水龍吟

秋聲

西風已是難聽如何又著芭蕉雨泠泠暗起淅淅漸緊蕭蕭忽住候館疏砧高城斷鼓和成淒楚想亭皋木落洞庭波遠渾不見愁來處此際頻驚倦旅夜初長歸程夢阻砌蛩自歎邊鴻自唳剪燈誰語莫便傷心可憐秋到無聲更苦滿寒江剩有黃蘆萬頃卷離魂去

清平樂

元夜

畫樓吹角酒醒燈花落梅未開殘風又惡今日元宵過卻更



言四  
四  
更更鼓淒涼翠綃彈淚千行併作一江春水幾時流到錢塘

菩薩蠻

偶成小令

草熏風煖天涯路清明寒食青春度何處驟驕驄玉樓人夢中  
一窗花弄影半被餘香冷不是倦思眠醒來依舊閒

掃花游

寓齋海棠開時正值風雨

畫檐翠溼柰幾陳餘寒嫩紅如掃采香徑悄問鶯簾燕戶賸春  
多少淚染情絲尙憶華清睡好黯懷抱任亭角夜深銀燭休照  
芳事虛負了任錦帳重圍綠雲迷曉瘦枝謾拗便輕陰再乞  
可憐花老不是無詩極目江南路杳送愁到掩文窗雨斜風裊  
齊天樂

蟬

山童莫唱青林樂清商暗吹愁到桐翠垂檐槐黃糝徑吟斷露  
昏煙曉疏簾夢覺待寫入琴絲和成懷調冷落齊紈一襟哀怨  
夏誰弔年年蛻痕未換賸西風鬢影難寄幽抱碧樹無情斜  
陽易晚消受淒涼多少餘音自嫋忍喚得秋來頓教秋老漫約  
孤蛩背燈唬夜悄

滿庭芳

過皋園有感

巷角疏花城彎剩水壞牆深鎖愁煙獸環自掩饑雀啄落錢  
埽回關敗葉斜陽外喬木依然虛堂冷闌干翠溼詩壁篆蝸涎  
平泉行樂地紅羅買笑碧玉供筵算鏡檻芙蓉猶似人妍休  
問樓中燕子有黃金難鑄飛仙還知否秋墳夜月還到綠窗前

八聲甘州

黃葉樓賦夕陽

盼斜紅颺出晚晴天相看轉淒然甚怱怱只是橫催鴈陣低照  
鷗眠樹外山眉襯黛遠道草芊芊一段蒼涼意都付樊川漢  
闕秦宮何處送幾聲畫角吹老華年儘歡游長好到此黯流連  
倚江樓玉人凝望帶西風帆影落窗前愁無限近黃昏也新月  
籠煙

玉漏遲

冬夜聞南鄰笙歌達曙

病多歡意淺空篝素被伴人悽惋巷曲誰家徹夜錦堂歌管一  
片璫瑜月冷料燈影衣香烘煖嫌漏短漏長卻在香邊庭院  
沈郎瘦已經年更嬾拂冰絲賦情難遣總是無眠聽到角傭簫

倦咫尺銀屏笑語早檐角驚鳥唬亂殘夢遠聲聲曉鐘敲斷

臨江仙

擬南唐後主

亂紅窳地春無主宿寒猶戀屏幃夢中何日是歸期玉臺金屋  
空逐彩雲飛煙月不知人事改夜深來照花枝蕙鑪香燼漏  
聲遲闌珊燈火殘醉欲醒時

山花子

擬和凝

醉纈紅綃約翠鈿碧蘿明月伴秋千今夜新寒分一半到郎邊  
蠻蠟同心搖翠幌蜀箏纖手擲朱絃學轉春鶯渾不似似曉

鴉

蓮生古之傷心人也蠱氣回腸一波三折有白石之幽澀而  
去其俗有玉田之秀折而無其率有夢窗之深細而化其滯

殆欲前無古人其乙藁自序近日江南諸子競尚填詞辨韻  
辨律翕然同聲幾使姜張顧首及觀其著述往往不逮所言  
云云婉然而可思又丁橐序云不爲無益之事何以遣有涯之  
生亦可以哀其志矣以成容若之貴項蓮生之富而填詞皆  
幽豔哀斷異曲同工  
所謂別有懷抱者也

龔輦祚璉人定盦詞

定風波

燕子磯頭壓笛吹平明沈玉大王祠無數蛾眉深院裏晏起曉  
霜江上阿誰知山詭潮奔千萬變當面身輕要喚鯉魚騎驀  
地江斐催我去飛渡尊前說與定何時

清平樂

垂楊近遠玉鞭行來緩三里春風韋曲岸目斷那人庭院駐

鞭獨自思惟撩人歷亂花飛日暮春心怊悵可能紉佩同歸

鵲踏枝

過人家廢闕作

漠漠春蕪春不住藤刺牽衣礙卻行人路偏是無情偏解舞濛濛  
撲面皆飛絮繡院深沈誰是主一朵孤花牆角明如許莫  
怨無人來折取花開不合陽春暮

浪淘沙

書願

雲外起朱樓縹緲清幽笛聲叫破五湖秋整我圖書三萬軸同  
上蘭舟鏡檻與香篝雅澹溫柔替儂好好上簾鉤湖水湖風  
涼不管看汝梳頭

卜算子

江上有高樓可似湖樓迴樓外文波曲曲通不駐驚鴻影蘋

葉弄斜暉蘭蕊彫明鏡翦盡秋花漠漠寒人臥江南病

南浦

端陽前一日伯恬填詞題驛壁上淒魂曼絕予亦繼聲

羌笛落花天辦香鞦兩兩愁人歸去連夜夢魂飛飛不到天塹  
東頭煙樹空郵古戍一鐙敗壁然詩句不信黃塵消不盡滴粉  
搓脂情緒登車切莫回頭怕回頭還見高城尺五城裏正端  
陽香車過多少青紅兒女吟情太苦歸來未算年華誤一劍還  
君君莫問換了江關詞賦

定公能爲飛仙劍客之語填詞家長爪梵志也昔人  
評山谷詩如食增蜂恐發風動氣予於定公詞亦云

朱綬

選冠子

琵琶

細馬妝殘明駝影散初寫漢宮離怨剝檀木古絃玉絃高遜沙  
紫槽香滿關塞荒涼路遙攬入鄉愁一聲蘆管正將軍毳帳傳  
歌沙漠鴈行飛斷 知甚日流響江南釵樓穉小手語漸成嬌  
頓勾遮半面側彈雙鬟領略酒邊鐙畔惆悵蕭郎舊時鼗鼓纏  
來倍添淒惋莫么絃撥冷春風還是曲終人遠

淋漓

瑞鶴仙

零雨飄風秋蕪被野順卿調齊天樂見寄情詞排側歌不成聲拈此奉答義託閨襜旨兼風諭亦離騷之遺也

笑芙蓉淚影早柳外人家虛檐秋淨妝眉妬明鏡記蘼蕪采罷  
墜雲難整噉蠶訴病倚寒幃淒涼自省舊題紈碎墨零煙萬點  
怨紅新疑 芳媵明璫絨字換到鑪熏漸銷香餅重簾度暝斜



照外雨絲冷歎悲黃書舐看朱歌斷幾處銀鉸恨井最堪憐嬌  
穉鄰娃夢歡未醒綺密

沈傳桂

高陽臺

韶景方妍俊游久歌言愁真欲愁矣

酒薄欺寒衣單約暖輕塵不散春濃舊夢笙歌依然十里簾櫳  
看花莫問花深淺有斜陽總是愁紅漫憐儂燕子人家細雨空  
濛 歡盟已誤鉤車約但閒憑繡檻倦倚熏籠廢綠亭臺一鵲  
嘯瘦東風能消幾日尋芳去便翠陰換了香叢更惺忪短草平

蕪怨笛煙中

以溫李詩筆入詞自是精品

疏影

春影

香塵散玉有舞筵綺袖吹動華縵如此江南多少樓臺都是霧  
窗煙幄鈿車約略平蕪外又滿徑游絲低撲剩暝雲淺碧玲瓏  
鏡裏素波流縠猶記濃陰薄醉佳人乍夢醒閒倚修竹縞袂  
無言悄卷疏幃但有一痕蛾綠惺忪弱鬢春風倦想別院正燒  
銀燭莫繡簾過盡楊花愁損畫闌幽獨

踏莎行

春盡作

細綠迷雅疏紅醉蜨一腔愁倩曉鶯說東風吹淚過江城黃昏  
細雨孤燈滅中酒心情嫩寒時節踏青人又銷魂別碧煙如  
夢不開門門前千點梨花雪

晚唐樂府之遺

汪燾

齊天樂 絡緯

暮蟬吟斷秋煙暝風前又聞鳴杼黛翼披涼酸音嫋怨不入笙  
歌庭戶雙翹翠股在瓜蔓叢中豆花深處冷偃疏籬一絲流響  
急如雨 清宵攪人夢枕似腸輪九轉同織愁緒韻促縲車聲  
殘曳帛贏得一襟淒楚更聞倦否問催紡年年爲誰辛苦金井  
闌空碧梧涼自語

袁祖憲

金縷曲

詠雁

暝色沈寒角正秋江茫茫流水客愁無著斜日灘頭帆卸早遠  
渚平沙漠漠問塵海此身何託底事黃昏風漸緊祇一繩來伴

儂飄泊霜意勁酒潮薄  
低回往事尋依約算故國近來煙景  
儘輸猿鶴卻憶賓鴻辭海國一樣汀洲寂寞感幾度雲停月落  
鷺佇鷗延江上住甚傷心情緒全非昨聽津鼓敗寒柝

危苦之言

許謹身

齊天樂

落花

春光三月渾如夢  
悤悤又催天曙  
幡影淒迷鈴聲瑣碎冷落幾  
重芳樹回風自舞  
便錦樣文章也埋黃土  
癡絕雛鬟小閣尋覓  
幾回誤  
誰憐茵溷飄墮算和泥同啄梁燕辛苦聚不成萍散  
仍如雪輸與柳隄煙絮  
牆陰細語說昨夜樓頭翦燈聽雨到曉  
悄悄隔窗嚦杜宇

哀語成讖

高陽臺

春事成煙舊歡若夢黯然賦此

蝸篆粘窗蛛絲盼戶依然六曲文紗夢不分明門前一樹枇杷  
離筵但諱相思苦說人閒何處天涯記魂銷酒冷鑾昏雨細風  
斜十年未踐尋芳約奈如雲情緒如水年華舊日嗁鴛而今  
沒箇嗁雅重來難覓春人面況東風落了桃花太淒寒幾杵秋  
砧知在誰家

孫麟趾

祝英臺近

訪馬守眞墓不得

懶看山慵喚酒來訪美人墓隨著鐘聲問到水邊路只從芳草  
搜尋斷碑捫徧總不是埋伊香土恨難訴可曾月夜魂歸花

底悄吟句舊日羅袞化作蝶飛去白憐飄泊天涯又逢寒食餽

珠淚也無彈處

沈痛

虞美人

病中有懷

東風小院春寒淺幄把湘簾卷閒思往事甚分明半是鈿釵羅  
扇夢中情碧窗樹近聞鶯語弄暝沈沈雨畫橋幾日不曾過  
未識誰家門巷落花多

王憲成蓉洲桐華仙館詞

祝英臺近

洛城鐘梁苑樹中有恨無數脈脈相思不記幾朝暮盼佗安石  
欄開玉人歸未怎瘦損畱園不顧信頻誤便算清夢分明夢

醒總無據宋筆書空獨自背人語早知春恁難歸當時悔殺怎

容易送將春去

巧思拙致最是高手

揚州慢

壬寅四月過揚州用白石韻

水國魚鹽雄關鎖鑰過江第一官程到竹西回首山色斷空青

三百年來名勝地珠零錦粲人不知兵儘綠楊紅藥年年豔發

雙城冥冥雲海走魚龍掠岸濤驚悵獨客南來大江東去莫

訴離情忍憶平山堂下青蕪徧絃管無聲笑浮雲游子隱憂空

逐潮生

離網既壞海氛又惡杜詩韓筆斂抑入倚聲足當詞史

周岱齡

八寶妝

詠陳拜鄉八角陳鏡

翠箔成塵銀華蝕土一片南朝月冷飛上棠梨雙蛺蝶零亂隔  
江花景歌殘桃葉數聲金盃淒涼江陵紫氣銷沈盡剩有興亡  
遺鑑芙蓉睡醒 此日繡滿落痕絲華舊夢壁箋人在荒樓念  
誰伴青燐碧草恁雲母畫屏猶整好攜去金煙玉水蟾蜍細細  
瑩珠粉試照徧秦淮菱花悵斷燕支井別有懷抱

芥堂先生循吏文人倚聲餘事又有秋老花新酒濃人潛入  
字可入詞眼詰嗣未均觀察有東樞草堂詞季況太守有曼  
熹詞子敘刻于闕篋中  
佚不可得記此俟補

黃曾菊人瓶隱山房詞

蝶戀花

廟子灣頭春正雨送了征帆添了新離緒  
妾夢似潮流得去隨



言四  
三  
郎直得江州住 樓外落花空自舞  
花自飄零沒箇東風主  
幾點越山青不語  
朝朝飛入眉顰處  
大令審律甚嚴句襟凡近詞多死句不能多錄  
姚燮梅伯疏景菴詞

江城子

繡閣六曲夕陽殘  
夢漫漫淚潸潸  
桃葉東風吹綠滿  
闌干莫怨春紅遲  
二月便開了有誰看

高陽臺

拭唾題殘橫箏坐  
酒湖樓影事闌珊  
雨地鶻愁十年紅雨  
關山重逢丁巷春  
如夢病天桃褪了煙  
鬟淚偷彈  
紫玉犀釵敲徧闌干  
舊歡那忍重提說  
賸柳鶯曉箔桐鳳秋  
紉黯到香魂牆陰

誰護情旂西風明日錢塘路散蘋花吹聚應難悄無言兩道愁  
青抹上眉彎幽

張金鏞

賣花聲

雲髻挽雅雙小小年光料來錦瑟似伊長只恐江干黃竹子容  
易成箱花影上西廊纖月微茫夜涼心事寫紅牆兩字相思  
難寄與何況明璫

王嘉祿

南浦

草色從魯逸仲體

東風怨碧甚年年吹轉舊池塘一路花驄嘶去釵扇趁尋芳省

記麝蘭埋恨剩紅心萬點  
淒淒香又綠波天際斷腸人遠  
煙夢暗瀟湘  
那更倚樓望極算江南何處不斜陽  
故國相思難寄  
空與采蘭汀換了數聲嘒鵲恨  
青青未抵暮愁長欺鬢痕憔悴  
賦情長自倦江郎

正宗

吳廷燮

解連環

峭寒輕閣正歸來月下五銖衣薄鎖黛痕依約  
淩波認瓊佩綺環是君還錯一片秋聲問何處江離搖落料盈盈待語碧海青天  
總怨離索相思錦箋誤託聽嘒鵲萬里還更棲泊縱伴我翠羽明璫  
早簾香沈鬢影非昨夢雨難招破萬疊湘雲迷著

又誰知素紉剩寫舊時瘦削

語語有意  
善學清真

西子妝

白蓮

玉浦澌秋銀塘淨練洗出娟娟風露夢痕澹極不知寒倩眠鷗  
夜深閒護芳心自苦問月底幽愁誰訴褪紅衣有粉雲涼浸姮  
娥應妒闌干路甚處香來冷向晶簾度隔花遙聽擻歌聲蕩  
空明采芳偏誤湘皋舊侶怕羅幃淩波飛去認冰魂莫化沙邊  
暗雨

吳承勳

四犯翠連環

雙調自度曲

露翦聲輕風鈴語急西園亂紅難繫屈戌漫將春放了孤負燕

歸千里舞晉慵未起  
唳痕溼透秋千地  
鬪香時節鬪茶天氣  
釀就愁滋味  
此際休說銷魂祇綠陰芳草  
那堪遊戲十二玉笙  
催夢遠空誤鳳綃鴛綺  
醞寒清似水垂楊小院  
深深閉鎮獨自閒理霓裳譜  
拋盡相思子

芳蘭竟體

唐多令

愁共水潺潺離人當暮餐  
況禁他杏子衣單  
隔箇窗兒同聽雨  
消不得是春寒  
宮燕報平安  
音書比夢難  
景陽鐘可似寒山

奉帚平明花落盡  
閒殺了好闌干

青琴高響

探芳信

湖上春游繼草窗韻

戀芳華  
艷語傳歌幽懷泥酒  
歎倚樓人遠闌干未全  
舊飄煙

拖月渾如夢春比梨花瘦最模糊蝶恨瑤階燕迷苔  
亂紅驟更心篆凝香眉痕描岫鏡裏消魂敲缺唾  
離宮怨斜照空回首再休將畫扇風流問柳  
手書小箋署子述字予於故書

中收得之愛其清綺錄之

黃增祿子芾拜石詞

浪淘沙

天寒翠袖畫冊

慵唱女兒箱秋老瀟湘一回徙倚一思量  
冷殘陽獨自訴愁腸閒立昏黃莫輕彈淚溼衣裳製作扇兜  
裁作箋還要淒涼

比興

王效成約甫伊蒿室詩餘

玉漏遲

秋翁約過九峰州堂夜話三鼓始歸

漏遲深巷窈幽眠熟否彈扉人到重翦疏鐙共話尊前懷抱幾  
許風煙往事卻話到淒涼都少情暗惱窗邊竹外秋聲來早

白髮兩兩相看甚磊落王郎而今年少青眼高歌怕負浣花詩

老衫裏年時倦舞且漫聽荒雞催曉歸路悄依依素娥畱照清深

許宗衡海秋玉井山館詩餘

百宜嬌

冰花

鏤玉無煙雕瓊有蕊連夜小池風緊欲語誰磨鏡中人笑拈得  
一痕菱影銷除紅淚僂唾點細皴愁暈恁鴛鴦能耐宵寒夢回  
雙抱香冷空惆悵淩波舊印蓮瓣幾時畱鞦韆猶認祇恐消

磨不關閉落負雨聰明心性霜華已老願此後東風無準早猜

詳流水三生上林難問

使事如水中鹽味長於  
換意深入南宋之室

西窗燭

寒月和青精

薊門煙樹照影蒼涼嘯鴉驚拍風翅茫茫千里關山白似雪路

冰河欲歸無地憶舊游夢裏簫聲良夜懽懽如墜和愁睡玉

宇瓊樓人閒天上都是尋常事優教萬古團圓好恐耐到雞鳴

也非容易忍思量金粟前身凍合三生清淚

骨折魂驚  
語語沈痛

中興樂

初秋同人登龍樹寺凌虛閣依李德潤瓊瑤集體

繞樓一帶薜蘿牆西風瑟瑟橫塘眼前春色垂柳垂楊蘆花容  
易如霜雁聲長幾時飛到高城遠樹亂堞斜陽十年冠劍獨



昂藏古來事事堪傷狐貍誰問何況豺狼薊門山影茫茫好秋  
光無端孤負闌干倚徧風物蒼涼

止菴詞辨所謂既成格調求實實則精力彌滿者也

霓裳中序第一

秋柳

西風又蕭瑟一樹栖霞驚落日舊時門巷寂寂折來殘客有多  
少心事誰識樓臺影絲絲如夢憔悴倚荒碧堪惜十年蹤迹  
莫又向隨隄悽惻臺城煙景非昔千古傷心如此顏色幾人能  
遣得倦眼青青淚溼關山晚祇餘短鬢忍與亂愁織

念亂憂生

百宜嬌

道光己酉秋日雨中與西湖飲揚州湖舫

倚帽愁煙泊丹疑夢淒絕那知游俊遠樹遮樓望中人杳落葉  
滿天殘恨誰從吟處尙記得湖山春影暮孤篷點點秋聲與君

宜醉休醒 空惆悵酒杯易暝雲色作濃陰暮晴無準三月桃

花一隄楊柳簫鼓當時曾聽荒園廢冢怕此後鷺聲難問趁羈

孤百感茫茫雨斜風整

宋玉微詞  
蘭成小賦

海秋先生傷心人別有懷抱句益醞釀非尋常文士度越  
少奎通政爲近詞一大宗齊名者有上元何清和觀察

王錫振少奎茂陵秋雨詞

湘春夜月

花影

夜朦朧天邊新月如弓卷起一桁簾波流影入芳叢者是玉京  
魂魄被西風吹落拂地煙濃算紅銷翠蝕芳情不斷只在虛空  
畫樓西畔金鑪香燼露冷霜重步履廊回驀憶得闌干慵倚  
雙鬢蓬鬆重門掩靜又誰教短夢惺忪收不起待明蟾落盡心

頭眼底依舊無蹤悟境

瑣窗寒春寒

小閣雲深重。金玉暖曉窗殊戀香篝倦倚。贏得夢微香淺。步芳  
園濃妝定。稀近來冷卻看花眼。料衝泥未忍。杏梁深處。並巢雙  
燕。池泮冰漸亂。悄一點猩紅。露華偷展。桐花暗老。那忍鳳翎  
棲嬾柰。晚來宿酒漸消。鵲鵲又怯風似翦。憶錦袍簾外人。歸把  
殷頭歌按俊絕

暗香灤陽歲晚行眺酒仙祠下

亂峰翠市笑幾人。潦倒相逢攜鐫霞影。四進雪窖冰廬。氣蕭颯  
便擬沙場醉臥。渾忘卻東風鳴甲。甚歲晚絕塞人家。簫鼓也迎

臘 閒踏馬蹏怯歎去國路遙夜月殘闌玉簫恨學回首中原  
黯如雲多少飛蓬淚晒待準備花時蠻榼怕恁日春去也綠陰

夢壓

有對此茫  
茫之慨

疏影

江樓跨鶴算那回艸艸揮手雲壑曾記花時宋玉牆東春來好  
景如昨湖山金粉都拋盡謾記憶江南江北好重尋墩點風流  
剩有舊時屏箔誰念長楊往事關河幾萬里天淨塵幕流水  
恩恩四十年華慘澹瓊犀簾角窮荒冷蟻尊前在倩玉手駝酥  
要酌判雁飛不到天涯祇是夕陽紅薄

書劍從軍  
感兼身世  
語合情文

何兆瀛青衫心菴詞

金縷曲

燕

言上

辛苦銜泥燕儘回翔朝朝暮暮雨絲風片覺得新巢栖息穩爲  
爾珠簾常卷卻換了一般庭院故主恩情還記否記幾番王謝  
堂前見曾舞得紅襟倦 炎涼世事尋常變見說道寂寥羅雀  
翟公門掩曲曲雕梁泥落盡紅牋斜陽一綫聽枝上流鶯低囀  
似訴東鄰畱滯爾舊同羣輒語含悽怨秋近矣莫飛遠

情詞不竭曲盡

事理

壺中天慢

鑑

緇塵人老被秋鐙照出傷心滋味四壁蟲吟風斷續抱影與愁  
同睡枕冷黃梁簪欺白髮一穗花猶媚玉蟲無賴向人開作如

意當日膽怯空房挑殘夜雨泥檀奴同倚倦蝶淒迷餘夢影  
張觸寒宵半臂金粟痕空銅荷塵瘦煙也含清淚比他團扇舊  
情何忍捐棄

神明於樂府補題  
乃覺賦比興皆備

卜算子

聽雨

鏡背一鐙紅鐙背人無語忽有秋蟲一兩聲  
嘯碎黃昏雨簾底閣瓊簫簫外風如縷  
吹我天涯聽雨心和夢江南去

月下笛

獨游江亭用玉田生韻

一抹荒煙孤亭尙在斷無人處叢蘆瑟瑟還是尋秋那時路  
亭前臥柳渾相識早耐盡年年冷雨卻重來攀折霜顛顛影獨行  
誰語愁緒嗟遲暮待歸去江天再盟鷗鷺風塵倦旅聽蟬何

事酸苦苑枯容易都成夢問入夢有人醒否臆幾點晨雅栖老

禪門舊樹

幽澗爲玉田所無之境

南鄉子

春事了殘紅閒著闌干畫閣東幾日杜鵑聲不斷恁恁一笛吹  
春唱懊惱無語下簾櫳苦把春痕憶夢中雨又不來雲又散

濛濛滿院楊花滿院風

高格

秋千索

新詞多是銷魂語卻攪得秋聲如許已覺涼蛩不耐聽又添了  
三夏雨迷離往事拋難去問舊日鴻泥何處鐙影琴絲十載  
心似夢裏搏風絮

臺城路

過廢寺

修蛇曲折城南路倚筇還過蕭寺埽葉門深種花僧去冷意野  
鷗知未葦花滿地有頭白人來相看蕉萃瑟縮寒雅似曾相識  
一枝寄 祇林無限往事一般興廢感都付深喟詩夢煙空酒  
人星散眼底惟餘秋氣流連荒砌認疥壁蝸涎模糊文字鈴語

催歸夕陽天半墜

南宋平夷之韻  
北宋峭折之恩

何先生詞抗手許海秋齊名文苑不虛也  
但沈鬱稍不逮許而無海老枯率之失

陳元鼎

浪淘沙

姚江舟中

新水短長橋帆影迢迢一痕睂月爲誰描翠幕圍春花氣靜何



處前宵 冷雨又飄蕭 燭暗香消酒醒時候最無聊 歸夢零星  
流不去多事回潮

編修鴛鴦宜福祠豔冶纏綿子官借問可誦者多惜未寫副黃氏所錄殊未盡記以待補

張炳堃

湘月

竹粉

湘妃素面被熏風賣弄一夜勻染瘦玉棱棱也自笑學得吳儂  
妖豔滴露成脂消雲作黛曉鏡明波灩桃花三兩倚酣來闌嬌  
臉誰念翠袖飄零鉛華不御埽雙蛾悽澹日暮荒寒又底用  
金碧檀欒妝點朱綠心情唬紅顏色自愛梳妝儉待催秋到暗  
霜來與銷滅

工而不縛  
寄託遙深

潘曾綬

菩薩蠻

和仲修韻

蕊珠樓閣層層掩綠紗  
窗外冰蟾斂香冷翠衾單  
東風惻惻寒  
紫霞衫子薄雙手擎紅箔  
親折小花枝熏香獨坐時  
一襟紅淚愁難訴  
游絲飛絮渾無數  
千里寄書回  
尋芳人不來  
畫屏圍曲曲  
鏡裏人如玉  
重到紫雲堂  
好花依舊香

潘曾瑋季玉玉詮詞

菩薩蠻

芙蓉帳外燒銀燭  
畫屏雙坐人如玉  
相見定成歡  
此時明月圓  
好春容易度  
只怕春光去  
海燕正孤飛  
妒他雙影栖

輕雲冉冉籠殘月  
橫風吹散梨花雪  
香夢已闌珊  
覺來驚曉寒

言四  
三  
尊中春酒綠惆悵陽關曲門外送君行別離無限情

登樓一望傷心碧行人不見關山隔清淚溼羅衣忍看雙燕飛  
離愁千萬縷簾外風還雨野水漲紅橋怎教魂不銷

相思不語香閨裏時光虛度如流水惜別又經年歲寒霜雪天  
瑣窗人寂寂欲問無消息心事訴誰知一鉤新月遲

東風吹醒桃花痕雙隄一夜溪痕長何日是歸程盼將春水平  
欲歸仍未得依舊長相憶遙望玉門西可憐人迹稀

征鴻不到邊城遠迢迢萬里音書斷脈脈倚熏籠燭銷殘淚紅  
別時曾記否記得春將暮春去又春回望君君未歸

鄰家同戍遼陽轉昨宵猶說瓜期緩底事苦淹留憶君愁復愁

香銷銀篆冷恨也無人省夢影不分明月華何處清

徐子陵序略曰

肇端房闥之近敘恨喉隔之交其愛也似蝶其怨也如幕余思之余重思之而卒無以解其自之所在

鉤鐶斷續聲情相副

末章特開異境乃不爲金荃所囿

楊傳第聽臚汀鷺詩餘

雙雙燕

詠蝶寄示仲義

粵亭瘦景歎白騎重來舊時庭院珍叢試繞愁絕翠陰零亂猶  
記蛛絲宛轉曾抱著花枝低顫只今牆角孤飛還怕相逢羅扇  
悲咽花枝不見算舞向風前斜曛相伴憐儂癡小如此淒涼  
怎遣便有夢魂縷縷奈香夢醒來更怨病翼能否經秋已是粉  
痕銷減

宛鄰詞派不絕如縷

辭時雨慰農藤香館詞

浪淘沙

夜舟聽雪

一夜響蕭騷玉碎珠跳打篷聲急浪花飄比似芭蕉窗外雨分  
外魂銷孤客太無憀短鬢空搔一鐙明滅出船梢今夜杭州  
應有夢隔住江潮

臨江仙

大風雨過馬當山

雨驟風馳帆似舞一舟輕度溪灣人家臨水有無閒江豚吹浪  
立沙鳥得魚閒絕代才人天亦喜借他隻手回瀾而今無復  
舊詞壇馬當山下路空見野雲還

結響甚迢

東風第一枝

章江新年

彩換桃符聲喧竹爆噓噓日射朱戶蘭闥喜溢芳朝花市袂聯  
姹女香車扶上看風裏楊枝如舞最憐他血色羅裳付與九衢  
塵土池洗馬監名自古椿繫馬舊游記取臨街新繡春燈隔  
江罷聞戰鼓韶華卻好偏十日九逢風雨倚綠窗輕按紅牙補  
入竹枝新譜

裂石穿雲  
感均頑監

### 木蘭花慢

問春風來處可經過幾重山慣偷揭珠簾輕將離緒逗入眉彎  
機中織成錦字更無人重到玉門關梁上鸚哥自語梁間燕子  
知還經年漸減芳顏愁不斷淚空潛想東君恩重料非薄倖  
只是緣慳妝臺懶勻粉澤盼書來重整舊雲鬟難得知心小婢

言  
背人私祝刀環

溫厚得詩致

勒方綺少仲樽洲詞

眼兒嬌

鳳脰花明漏聲長聽曲識秋孌最牽人處深杯壓酒小閣迷香  
別時言語無頭緒千轉結回腸如今贏得小舟孤枕瑣碎思  
量

臨江仙

多謝風前雁侶相呼似說歸期應憐漂泊楚江湄沙長蘆荻短  
水闊稻梁稀我比征禽更苦年來孤影天涯一春愁思只淒  
迷九疑遮望眼猶自向南飛

杜文瀾小舫采香詞

臺城路

秦淮秋柳

江南一夜江波冷樓臺畫成秋意舊院藏鴉長橋繫馬攀折游蹤難記飄零燕子認六代斜陽倦魂醒未怨笛誰家後庭歌罷  
更顚顚桃根桃葉易老渡頭空照影羞鬪眉翠舞扇句雲華  
鐙背雨都換傷春滋味闌干傍水問丁字簾前細語誰倚無那  
西風亂雅嘯又起芳潤排側

黃長森襄男自知齋詞

念奴嬌

皖江懷古用東坡韻

江聲悲壯算魚龍見慣幾番英物無數青山忠骨瘞撐起東南



半壁蛇豕蕩平犬羊酣豢國恥何由雪諸公袞袞鰕生慚愧豪  
傑 馮弔清水塘邊大觀亭上目斷春潮發當日淮西孤掌耳  
氣運何關興滅雁汊煙沈雞鳴祀杳天際山如髮滄桑無限試  
詢江上明月

喬守敬蔗生紅藤館詞

埽花游

次廓父登城北樓韻

女牆一桁認舊鎖春睂此時應展登臨送眼數今朝薺麥閣寒  
猶淺往緒如塵禁得東風忽轉且微遣看新綠漸圉如挂纓冕  
消凝心自遠剩髡樹栖雅短籬呼犬遙邨近堰把年前草夢  
一齊都翦社鼓擗晴恰好手翻白點暗中換對長空與雲舒卷

幽怨而磊落  
得力草窗

法曲獻仙音

春郊賦柳川碧山次草窗聚景亭梅韻卽擬其體

晴綠惜惜殘寒淅淅隱閣春情深淺過社年光困人時候禁煙  
初換認凍醒巢雅處依依媚村晚已幽黯甚句來舊時愁夢  
應閒卻西角那回香輦掩冉夕陽低漸天涯和草青遠況又呢  
鶯恁東風塵絮吹滿怕柔條折與倩爾不勝淒怨似南宋人清眞詞體  
點絳脣

著意尋春樊川未是風流減惜花人滿只露看花眼還怕春  
深花亦如人散畱春一半判與閒鶯燕溫厚有餘味

張安保石樵晚翠樓詞

長亭怨慢

舟夜聽雨寄懷仲海

久孤負重陽佳節雁侶鷗盟幾年離別滿徑黃花一尊清酒自  
斟酌舊游如夢誰念我頭如雪喜意外重逢會海國婆娑華髮  
一霎頓情遷境過執手河梁嗚咽昏煙斷港便輕換碧雲明  
月怎篷背滴瀝蕭蕭直揉得肝腸淒絕醉眼看吳鉤難斷愁痕  
千疊

范淩靈膏巷冷灰詞

蓮陂塘

癸丑七夕和吳讓之

怕蟲鳴艸閒私語淒涼秋到平楚銀河自昔傷離甚豈獨今年  
牛女何太苦悵十里揚州無復陳瓜處鵲橋一度願與爾南飛

女牆依約風月未孤負 隨隄路鬼唱秋墳黃土當時枉自歌  
舞生離死別須臾耳寂寞恆河沙數愁萬縷欲問徧青天闌闌  
重重阻桑榆已暮但得見君平支機辨石蕭瑟任終古詞史

吳熙載讓之匏瓜室詞

霓裳中序第一

見夫容花作和姚仲海汪硯山用草窗體

花光動木末卻又相逢成髣髴還對青顰柳葉解道哭已簪已  
沈香屑秋江再涉且莫與褰裳人說怕畱待冷波開鏡錯認舊  
星靨 淒絕錦城輕別忍重憶翠翹冰纈霜華清夜儘徹算化  
盡春魂都迷殘蝶薄寒纔點骨又遠浦西風未歇歸何處淒涼  
荒徑拂我鬢邊雪

曲折

汪鑒硯山梅邊吹笛詞

掃花游

秋陰

晚煙漾碧漸漠漠侵簾悄悄吹戶悲秋甚處正西風倦聽寒蛩  
淒楚望遠心情舊日闌干怕撫畫檐曙有溼翠帶涼來纒芳樹  
雲意和醒住鎮閣夢籠愁暗催詩句故人在否又黃昏過了  
綠窗無語團扇徘徊更少寒雅影妬漏聲數對芭蕉卷殘心素  
不作呢呢囁  
囁是謂雅詞

李肇增冰叔冰持庵詞

念奴嬌

和白石道人詠荷花

冷波十里怪年時魚戲東西無主粉薄香清羅袂惹雨雨紅兒

低舞湘瑟含愁楚雲閣夢恁是鴛鴦侶裁將青鏡玉臺空照斜  
嬈日暮江上移舟清歌轉切悽絕銀塘路擬與銜枯深對影  
容易秋催人去軟步驚塵遶房闕月回首舉無處江南多恨此  
心誰似儂苦

王葵小汀受辛詞

賣花聲

憶梅

簾外是天涯春在誰家闌干倚到日西斜  
綈袂不來天欲暮閒殺窗紗消息隴頭  
賒月暗雲遮相思夜夜聽悲笳翻被笳聲  
吹放了頭上霜花

漸近自然

黃涇祥琴川豆蔻詞

掃花游

舊遷道上賦楊花

一天夢影漫認不分明祇疑輕霧褰帷獨覷怪東風消息在吹  
前度漾到花濃那管將春飛暮落無數動客裏亂愁斜日孤戍  
黃意初逗樹記脆縷柔條那家藏住蘼蕪滿路有離魂繾綣  
在鶯囀處綠葉成陰優約重來已誤趁晴絮送行人一程程去  
起結甚工

郭夔堯卿印山堂詞

淡黃柳

歸自西山途中見江南山

青山與客相伴長途側遠簷單衫同一色會到蛾眉恨壓不在  
江南在江北正愁極行行更相憶野雲滿隱斜日怕來朝又

被濃陰隔爲道天涯任人馮弔還有何人去得

金陵陷後作

琵琶仙

寄李冰署

何世人間信惟有杜牧傷春傷別空外清角次寒簫聲自凝咽  
芳思渺江湖夢隔鎮吟冷戍樓殘月掌上擎罇尊前落魄秋盡  
時節又經歲花發相思正簾卷春風盪香雪知否一春新病  
把心情銷歇依舊舞臺細柳認玉驄幾許攀折爭似春日凝  
妝翠樓愁絕

名作

綠意

乙卯上巳

曲池漾碧夏雨絲縷縷隨波攙入如此園林不管良辰花艸滿  
庭狼籍鶯歌蜨舞堂前去有燕子似曾相識想右軍一敘當年



會得萬千今昔 休慨蘭亭已矣看人事代謝都成陳跡是處  
天涯猶有山陰偏少謝公雙屐多情常是清游阻怕一誤終成  
追憶儘暫看驀地新晴還認舊時風日

曲折處有潛氣內轉之意

馬汝楫濟川雲笙詞

二郎神

一春冷淚悄滴近落花枝上算不爲傷春生憐花謝人漸如花  
飄蕩八字眉痕羞重端效若箇內家新樣拚綠鬢易凋纖臂易  
減鏡臺慵傍 凝望柳陰陰處幾家門巷料燕子歸來玳梁雙  
宿那識空闌惆悵繡不成紋歌還誤拍愁重可勝清恙最苦是  
夜夜青鐙照影夢寒綃帳

士屈於不知已

黃錫禧子鴻棲雲山館詞

相見歡

風絲搖漾簾鉤動新愁記得夕陽人影共登樓  
春夢短更兒轉好揚州可恨落花偏逐水東流

黃鸝啼上高枝柳絲絲正是惜人天氣可憐時  
花還好人先老損腰支孤負一春心事有誰知

玉人何處瓊簫韻迢迢眞箇衣香鬢影太無聊  
紅燭燃銀河寫劇魂銷惆悵一天風露立中宵

幾番聽到嗁鵲莫開簾怕見隔江山色碧浮天  
明鏡曉餘寒峭又經年腸斷綠楊飛絮絮飛煙

聲聲慢 小秦惟清夢圖

鷗波打漿燕幕飄鐙那回曾機扁舟杜牧飄零十年一夢揚州  
銷魂又聽玉笛唱伊涼幾度悲秋愁正遠記落花時節相喚登  
樓一點窺人睂月鎮煙籠楊柳不上簾鉤寂莫闌干天寒翠  
袖香畱臂支爲誰消瘦卸殘妝無語凝眸深夜悄濺花枝清淚  
未收 彈丸脫手

陌上花 紅葉庚申十月作

燕支一抹疏林點綴愁心濃淡烏相邨邊霜意淺烘深染韶華  
漫說蕭條盡又做十分濃豔倚新妝對鏡夫容應妬倦馮蘭檻  
化殘霞萬縷吳江波冷未許吟懷消減認取荒溝怕見故宮

門掩誰憐醉向尊前舞還庇寒雅千點待東風信息吹來依舊

好春重占

深靚婉麗

姚正鏞仲海江上維舟詞

霓裳中序第一

同規山吳陵城西看木芙蓉

微颺盪靜碧惻惻昏鴉寒落日羈旅亂愁似織正疏柳墮黃殘  
蘆縈白經秋暗憶有一枝開向幽夕緜華盡西風影裏憔悴見  
顏色拋擲玉容誰惜漾波底嬌紅凝滴蕭條畱伴亂荻亂落  
清煙不傷阡陌拒霜甘寂寂問別怨何人識得應憐我攀來木

末冷露淚同涇

精粹南宋深處

淒涼犯

寒雅

幾家落日黃昏過殘雅噪影羣積晚楓漸脫荒江浩渺暮山愁  
碧歸飛正急更村舍無煙向夕繞空林枯枝踏折葉落失棲處  
應念蕭條況屋角霜濃城頭月黑鴈懷倍楚甚飄零亂寒侵  
客其是無依漫回首思歸未得怕西風一夜冷斷塞艸色

念組之言

源於小雅

仲海爲詞思力甚刻至才性均厚是一作家

曾惠二泉夢軒詞

一萼紅

依白石調

灑離襟有鮫珠點點應識那時心江岸帆紆吳檣月皎歸夢猶  
記相尋又還去天涯浪跡數帶眼未老癯難禁倚枕情懷背燈

愁思都在宵深 重問碧桃門  
巷認蝶蛸戶底蟋蟀牆陰荷檻  
追涼梅檐索笑惆悵歡緒都沈  
便華下幽期準卜已朝朝孤負  
舊香衾可惜年華鬢絲漸妒  
瑤簪

詞

金壇馮煦參校

篋中詞

今集五

仁和譚獻錄

蔣春霖鹿潭水雲樓詞

木蘭花慢

江行晚過北固山

泊秦淮雨霽又燈火送歸船正樹擁雲昏星垂野闊暝色浮天  
蘆邊夜潮驟起暈波心月影盪江圓夢醒誰歌楚些泠泠霜激  
哀絃嬋娟不語對愁眠往事恨難捐看莽莽南徐蒼蒼北固  
如此山川鉤連更無鐵鎖任排空檣櫓自回旋寂寞魚龍睡穩  
傷心付與秋煙

子山子美把臂入林

浪淘沙



雲氣壓虛闌青失遙山雨絲風片一番番上巳清明都過了只是春寒  
華發已無端何況華殘飛來胡蝶又成團明日朱樓  
人睡起莫卷簾看

鄭湛侯爲予言此詞本事蓋感  
兵事之連結人才之情竄而作

柳梢青

芳草閒門清明過了酒滯香塵白陳夢開海棠夢落容易黃昏  
東風陳陳斜曛任倚徧紅闌未溫一片春愁漸吹漸起卻似

春雲

自然

踏莎行

癸丑三月賦

疊砌苔深遮窗松密無人小院纖塵隔斜陽雙燕欲歸來卷簾  
錯放楊花入  
蜨怨香遲鴛嫌語澀老紅吹盡春無力東風一

夜轉平蕪可憐愁滿江南北

詠金陵淪陷事此謂詞史

瑤琴

敗荷

青房乍結夢醒江南又雨聲敲碎羅衣葉葉寒未翦亂壓一湖  
淡翠月明歌斷更誰倚畫船閒醉膽數叢敗葦荒蘆合寫橫塘  
秋意飄零漫惜青衫算舞散湘皋都是憔悴鴛鴦自浴竟不  
管怕換西風塵世淒涼太液暮暗滴露盤清淚待幾時重展枯  
香斜日小橋魚市

一萼紅

牆角小梅未春忽放因憶東園萬樹摧殘可憐哀吟成調歌竟淒然

短牆陰怪東風未到春色已深深壓雪檐低垂蘿徑窄紅萼開  
倩誰簪謾惆悵天寒裏薄暎玉笛吹怨入空林烽火連江河山

滿眼那處登臨 回首東園舊路賸幾分流水幾樹寒岑冷雨  
宮垣斜陽喬木還聽笳鼓沈沈待銷盡鬢小劫洗冰淚招客  
說傷心只怕南枝開徧沒箇人尋

揚州慢

癸丑十一月二十七日賊趨京口報官軍收揚州

野幕巢烏旗門噪鵲譙樓吹斷笳聲過滄桑一霎又舊日燕城  
怕雙燕歸來恨晚斜陽積閣不忍重登但紅橋風雨梅華開落  
空營劫灰到處便遺民見慣都驚問障扇遮塵圍碁賭墅可  
奈蒼生月黑流螢何處西風黯鬼火星星更傷心南望隔江無

限峰詩

賦體至此轉  
高於此興矣

南浦

春艸

綠意隱汀沙雪痕消又潤村村酥雨山曉睡容蘇斜陽外淡淡  
青無重數飛飛胡蝶荒庭也是春來處千里相思誰種出攪了  
二分塵土年年空怨裴壽甚愁根欲剗東風未許接岸綠波  
平銷冤事第一送君南浦鷺唳幾度憑高不見天涯路陌上閒  
華開落後多少馬蹏歸去

南唐之骨北宋之神此才獨擅

鷓鴣天

楊柳東塘細水流紅窗睡起喚晴鳩屏閒山壓睂心翠鏡裏波  
生鬢角秋臨玉管試瓊甌醒時題恨醉時休明朝華落歸鴻  
盡細雨春寒閉小樓

字字用意氣體甚高不易到也

三姝媚

送別黃子湘

相思隄上柳喚漁童樵青繫船沽酒水鶴飛來背亂山無語共  
君招手莫上層樓春已在斜陽時候雁磧沙寒潮落潮生莫帆  
催又 塵海吟身驚瘦賸廿載才名對華消受尙著宮衣聽夜  
窗絃索淚殷雙裏眼底滄桑休更疊哀蟬淒奏怕問王孫芳草

淮陰渡口

如誦中晚  
唐絕句詩

虞美人

水晶簾卷澂濃霧夜靜涼生樹病來身似瘦梧桐覺道一枝一  
葉怕秋風 銀潢何日銷兵氣劒指寒星碎遙憑南斗望京華  
忘却滿身清露在天涯

斜陽煙柳  
謝其溫厚

無悶

華外東風吹過斷橋香到春衫裏底甚晚徑餘寒盡闌猶倚  
是憐春欲去看萬點飛紅斜陽裏冶游散後深深胡蝶綠煙  
地憔悴更無計聚鏡角愁痕遠山眉意教燕子須歸小窗深  
閉只有楊花未醒化一縷春痕隨流水怕片霎殘夢谿西又聽  
倦鶯啼起

卜算子

燕子不曾來小院陰陰雨一角闌干聚落花此是春歸處  
彈淚別東風把酒澆飛絮化了浮萍也是愁莫向天涯去

唐多令

楓老樹流丹蘆華吹又殘繫扁舟同倚朱闌還似少年歌舞地

聽落葉憶長安  
哀角起重關  
霜深楚水寒  
背西風歸雁聲酸  
一片石頭城  
上月渾怕照舊江山

東風第一枝

春雪

糝州疑霜融泥似水飛  
鷺覓又無處樹梢纔褪  
遙峯簾外暗兼  
細雨輕冰半霰甚倚著  
東風狂舞怕一番暝意  
烘晴還帶落梅  
消去  
華市冷試鐙已誤芳  
徑滑踏青尙阻依然淺  
畫溪山愁  
殺嬾寒院宇春回萬瓦  
聽滴斷檐聲淒楚  
賸幾分殘粉樓臺好  
趁夕陽鉤取

晏時盼捷何減杜陵南國廓清詞人已死其志其遇蓋可哀也

臺城路

金麗生自金陵園城出爲述沙洲避雨光景感賦此解

驚飛燕子覓無定  
荒洲墜如殘葉樹影疑人  
鴉聲幻鬼鼓側春

冰途滑積雲萬疊又雨擊寒沙亂鳴金鐵似引宵程隔谿燐火  
乍明滅江間奔浪怒涌斷笳時隱隱相和嗚咽野渡舟危空  
村草溼一飯蘆中淒絕孤城霧結賸霜網離鴻怨唳昏月險夢  
愁題杜鵑枝上血

渡江雲

燕臺游迹阻隔十年感事懷人書寄王午橋李開生諸友

春風燕市酒旗亭賭醉華壓帽檐香暗塵隨馬去笑擲絲鞭壓  
笛傍宮牆流鶯別後問可曾添種垂楊但聽得哀蟬曲破樹樹  
總斜陽堪傷秋生淮海霜冷關河縱青衫無恙換了二分明  
月一角滄桑雁書夜寄相思淚莫更談天寶淒涼殘夢醒長安  
落葉唳蟬

詞當作於庚申前使李暮事後闕以天寶應之鈎鎖精細



臺城路

易州寄高寄泉

言五

五

兩年心事西窗雨。闌干背、鐙敲徧雪。擁驚沙、星寒大野。馬足關河同賤。羈愁數點。問春去秋來幾多。鴻雁念卻華顛。昔時顏色夢中見。青衫鉛淚似洗。斷笳明月裏。涼夜吹怨。古石敲臺悲風咽。筑酒罷哀歌難遣。飛華亂卷。對萬樹垂楊。故人青眼霧隱孤城夕陽山外遠。

豪竹哀絲一時並奏馬足句千古

菩薩蠻

鏤金屏扇雙金鳳。象牀日午遲嬌夢。寶鏡不相憐。好花窗外妍。畫堂傳喚急。指重箏絃澀。舞罷又回身。春風陌上塵。

銅鞮歌斷江煙白。神絃醉舞湘靈泣。惟有故鄉音。高樓傷客心。

春風三十度歌管春聲聚煙月過花期惜君金縷衣

卜算子

丹嶺鳳皇兒愛集梧桐樹百尺宮牆一苑花只有流鶯度  
遶畫蛾眉宛轉邀蓮步抱得雲和不肯彈還宿空房去

換巢鸞鳳

雲浦蕤橈正微煙綠帳夢警龍綃秋肌涼玉粟花鬢安金翹洲  
絃冰斷澀歸潮洞庭野陰霜驚嬾蛟蘋颺冷漸月墮珮珠聲悄  
青鳥飛縹緲沙路遠鐙細竹迷春嘯溼岸交禽香闌文鯉暗  
泣斐絲紅老誰爲天孫塞秋河翠梭當夜呈雙笑穿鍼樓看疏  
星白露橫曉

調易墮曲宋詞原唱亦不免作者乃沈著而大雅

琵琶仙

五湖之志久矣羈紲江北苦不得去歲乙丑偕婉君泛舟黃橋望見煙水益念鄉土譜白石自度曲一章以箏

篴按之婉君曾經喪亂歌聲甚哀

天際歸舟悔輕與故國梅花爲約歸雁唳入篴篴沙洲共漂泊  
寒未減東風又急問誰管沈腰愁削一舸青琴乘壽載雪聊共  
斟酌 憂休怨傷別傷春怕垂老心期漸非昨彈指十年幽恨  
損蕭孌眉夢今夜冷篷窗倦倚爲月明強起梳掠怎奈銀甲秋

聲暗回清角

屈曲洞達齊梁書體

李冰叔曰君爲詩恢雄骯髀若東海僕詩二十首不減少陵秦州之作乃易其工力爲長短句餽情劇恨轉豪於銖黍之間直而紉沈而姚曼而不靡文字無大小必有正變必有家數水雲樓詞固清商變徵之聲而流別甚正家數頗大與成容若項蓮生二百年中分鼎三足咸豐兵事天挺此才爲倚聲家杜老而晚唐兩宋一唱

三款之意則已微矣

或曰何以與成項並論應之曰阮亭藻飭一流爲才人之詞宛鄰止庵一派爲學人之詞惟三家是詞人之詞與朱厲同工異曲其他則旁流羽翼而已

丁至和保庵萍綠詞續編

慶清朝

春艸

燕陌泥蘇活  
柳凍坼孤根同轉青  
陽閒門晝掩漸看春滿吟窗  
十里馬蹏去後綠  
簪衰繞蜨雙雙  
鐙期過好尋嫩約早鬪明妝  
猶記故園翠輦又爲誰鋪徧  
石冷臺荒征袍淚染謝池幽夢  
難忘漫剔玉鉤臥碣雨昏煙碧  
下雷塘王孫老賦歸未準愁共

波長

自注問入寒暑  
臺數十易

萍綠與水雲齊名句  
襟未必盡同填詞甚有  
工力予篋中祇續編一卷  
僅錄一闕跋補

趙彥俞次梅瘦萑軒詞

憶少年

昭陽學舍之西鄭子雅曾種桃花數畝距今二十年矣  
獨游到此風景全殊振觸舊懷誰能遣此

陰陰時節深深庭院淒淒風雨劉郎自重到問桃花無語芳

草而今猶帶露憶當年讀書何處垂楊縱相識恨天涯飛絮

瀟瀟雨

拍揚州東關聞柝聲

咽啞停弱櫓正嗚嗚畫角起譙樓怪垂楊幾樹淒涼燈火昔日  
揚州怕說漫漫秋夜今夜冷於秋一樣嚴城柝敲碎心頭驀  
記長安道上聽羸綱鈴語雨雪荒郵渺天涯是夢身世又扁舟  
況依稀隔江更鼓把相思零亂付東流欹枕臥爲春寒甚莫與

貂裘

玉田  
佳境

次梅六十學詞成就  
於鹿潭殊有後語

楊長年

疏影 帳鉤用去聲韻本南宋趙以夫

空閨無寐半彎新月牽引詩思斗帳籠雲未到深秋已把夢魂  
搖碎新愁舊恨都句動漫誇說兩行翡翠算幾曾置向薰籠也  
有麝蘭香氣 誰鏤吉祥小字怕雙穗綰處頭緒難理六曲屏  
前放下流蘇悄問玉人眠未藏來錦篋雙雙好怎又似離情分  
繫記那回撩鬢聲輕錯認枕邊釵墜

疏影 秋蝶

烏聲啞啞甚夜唬變苦飛帶寒色雁過天空蟾墮江深城頭乍

疑去霜白憑高已動他鄉感況更對平蕪淒碧看眼前百雉迴  
環化作萬愁堆積回念千山繞郭齒痕乍冷透林下都寂木  
葉蕭蕭落盡哀蟬準卜藏樓窺得周遭不隔還家夢又日盼玉  
關生入問幾時弧奪先登要探西風消息

程紹裘鶴衫煙波漁唱詞

瑣窗寒

櫓聲

解纜旗亭聲來柁尾乍疑鴻語低昂未穩傍岸漫驚鷗鷺蕩離  
魂春醒半醒是誰曲唱瀟瀟雨看柳灣轉艇菰蒲零亂水窗涼  
聚如訴輕搖處歎送盡行人幾曾教住催沈片月隱約煙中  
前路想紅閨愁聽砌蟲背燈擁髻知睡否又天涯歲晚江空底

事歸期誤

空際傳神樂府  
解題所未有

周作鎔

祝英臺近

曉妝慵殘睡覺春淺上蛾岫錦帶移香  
習怯病來瘦幾回釵卜燈窗鵲唳月落  
又枝外青梅如豆步晴晝記曾隔座傳  
杯花逕共攜手別後相思桃葉尙如舊  
最憐一縷東風吹愁不斷竟亂似空江  
煙柳秀絕

鷓鴣天

池柳初栽細葉新夕陽紅溼畫闌春日  
長人困慵梳洗一鏡芙蓉認未眞珠箔  
捲寶爐溫濃歡斗帳怕輕分彩蟾心事  
無人



識西北高樓揜暮雲

神來

蔣敦復劒人芬陀利室詞

大酺

問一重山兩重水天涯知在何處春來慣消瘦儘羅衫寬著黛  
眉愁嬾陌上花開樓頭燕過芳訊玉關通否無情終不信把前  
番已悔後期還誤記楊柳陰中封侯人遠白頭飛絮最憐香  
夢苦夜來恨隔斷長亭樹漫注念踏青闌草寒食清明畫羅裘  
底城南路東風卷塵去任一片馬蹏紅雨柰多病傷遲暮相逢  
須早縱是傾城顏色華年那堪細數

神似  
清真

蘭陵王

秋柳用清真韻

暮煙直淒斷湖橋瘦碧陽關曲前度送人折取香絲贈行色芳  
萍寄水國誰識鷺花故客秋千畔寒食舊游韋杜城南去天尺  
佳期杳無迹祇藕外停船鷗際移席音書珍重安眠食看玉  
勒人去畫樓天遠長亭芳草接敗驛隔雲樹江北心惻淚頻  
積怨絮影飄零長恁孤寂霽支有恨愁無極柰萬里征戍一聲  
哀笛西風殘露盡化作恨淚滴

以深重之筆  
發懸邈之思

阮郎歸

玉驄人去畫樓西天涯芳草低落花情願作香泥但隨郎馬蹏  
新燕語舊鶯啼小園胡蝶飛春風昨夜解羅幃今朝裊帶吹

意本樂府  
調學南唐

劍人確染爲僧黃氏收入  
方外後反初服爲諸生

朱志沂詠春梅笛庵詞

夜行船

一片寒雲江上路碎愁緒數聲柔櫓隔岸雅嘯遙邨雞唱也似  
喚人歸去卻憶多情臨別語道珍重客程朝暮昨夜樓頭今  
宵篷底明日不知何處

長亭怨慢

送泚生北上

早過了清明寒食燕燕飛時送君爲客不分垂楊曉風依舊盡  
橋碧斷覓殘角無計醉春鐙夕澹月古牆陰似夢裏淒涼顏色  
京國羨劉郎此去攬勝盡歸詩筆狂游縱好也須要自家將

息怕倚枕聽罷曉鵲又蟲語闌千秋澀莫看劒登樓回首江南

江北

君子之交以言贈處

浣花才人淪棄竟死兵戈遺草飄零有片羽之歎

劉履芬彥清漚夢詞

長亭怨慢

秦淮枯柳和月城

又風裏楊花吹盡歎息沈埋六朝金粉優做瀟瀟畫船聽雨繁  
無分暮笳聲慘還偷伴淒煙緊不待訴飄零早耐了寒雅成陳  
愁損記清秋蠶漿慣惹翠消香褪江關戍火怎畱得少年青  
鬢任想到載酒評花已孤負天涯芳信儘夜泊歌闌常共離鴻

緘恨

對此茫茫

言五  
疏影

西風起矣問征鴻此去書到曾未算不分明輕煖輕寒又是者  
般天氣梧桐瘦損琅玕碧便寫箇相思誰寄想曲闌一半愁凝  
倚了又還重倚孤負青山入畫倦牀無氣力眉影銷翠任爾  
天涯願作扁舟莫作無情江水芙蓉也有三生恨怎怪得玉容  
憔悴賸一秋悵望銀河幾點冷螢斜墜

方回逝矣  
百身何贖

長亭怨慢

漫回首漂萍零絮如此江山可憐鼙鼓不分鼃銷夜鐙酸對鎮  
無語瑣窗人靜曾記得天涯雨宿雁起沙灘算一樣銜蘆辛苦  
愁賦問斜陽古巷王謝幾時曾住西風作冷歎秋燕尋巢都

誤畫一片敗葉疏林悄傷得誰家門戶只天外姮娥能共清輝  
千古

蝶戀花

幾日游蜂飛絮趁乍見生憐憔悴春人鬢過後韶華如玉薜天  
涯何處尋芳訊道是愁多蛾綠損別夢依依雙頰添朝暈亂  
卷珠簾風有信奈佗燕子無憑準

細艸平沙三月暮一夕花開零落春無主看作舞衣金縷縷  
鵲何苦畱人住斜掩翠翹迷處所酒半相思卻聽連宵雨銀  
燭乍銷窗未曙斷魂只在閒庭戶

江淹已擬  
惠休詩

孔廣牧力堂歆久子詞

玲瓏四犯

叢卉含秋屬緒紫衰仍用清真韻寫之

搖落牆舍甚嫋嫋娟娟還自嬌豔瘦蝶闌珊香羅數枝笑臉門  
掩獨自聽秋恁蘚徑夢雲零亂趁夜涼月遲星換一夕百回相  
見茗甌聊抵芳椒薦已無眠綠蕉休舊東風誤我難重訴怕  
展看花眼誰引暗雨打窗管不住落紅千點儘燕泥細認春去  
也琴絲散

不作隨指汎音半甲  
半肉所謂猱吟者是

江順詒秋珊願爲明鏡室詞

浣溪沙

楊柳當門青倒垂一雙胡蝶向人飛封侯夫壻幾時歸西子  
湖邊尋舊夢東風陌上寄相思一春心事沒人知

楊柳七  
字千古

王詒壽眉叔笙月詞

虞美人

石門夜泊

阻風中酒心情惡往事思量著琵琶聲斷小樓空只有三更街  
鼓五更鐘 溫香吟徧消魂句誰作天涯侶起來無語倚篷窗  
月墮幾層煙水白茫茫

峭帆風裏眠難穩紅貼孤燈影不知今夜夢如何偏是春來夜  
短醒時多 打篷幾陣瀟瀟雨抵死將愁絮羅衾偎徧枕函單

又是柁樓人語說輕寒

婉麗真  
小樂府

清平樂

三更時候燈暗衾兒皺月透瓊絲花影瘦此際消魂知否 東



風幾陳輕寒溫香翠被重添管取明朝風峭屬郎休放歸船戀語

癡語推之忠愛

揚州慢

水郭西邊河橋東畔向來歌舞樓臺爲蠶城最盛處今皆鞠爲茂草矣偶尋舊徑愴然成詞

笙玉排雲歌珠溜月東風十里桃花記春衫殢酒是花底人家

自軍鼓江南動後鐙樓釵館都付唳雅賸青青芳艸煙痕猶似

簾紗麗華散盡飄零鬢霧衫霞僂紅豆深情青梅舊約休

問琵琶我亦傷春杜牧歡場夢易觸天涯悵夕陽無語高城催

起悲笳

居然石帚不徒形似

解語花

虎林旅次有贈

初三月子開簾剛見一彎眉淺脈脈新愁憑仗西風吹散芙蓉

鐙影衫痕瘦掩映燈前人面儘貪他笑語拚教閒了行行筆雁  
問年華三五明矚青鬢羞殺尋常鴛燕隔屋簫聲應是不勝  
清怨尊前漫觸飄零恨我亦天涯蓬轉算人生有幾江樓此夕  
花深香輦一結沈痛得美成之髓

張景祁

鷓鴣天

湖上修禊

相逐雲旂到寺門門前修禊水陰昏麗人已過餘花氣新柳初  
齊尙酒痕風急槳痕滿湖嵐翠掩遙村明朝怕過西泠  
路雨溼棠梨一斷魂

詞綜續編錄吾輩詞皆少作自張韻梅以下有特論定不悉錄也

孫德祖彥清寄龔詞

浣溪沙

雙橋雨中

一雨瀟瀟溼畫橈  
輕寒惻惻透冰綃  
惜惜小醉過雙橋  
碧柳江城愁隱隱  
綠槐官驛夢迢迢  
可堪暮暮又朝朝

高陽臺

酒樓秋柳

紅板橋頭青花帘  
裏西風吹老吳山  
慘碧絲絲是誰抹  
上涼煙澹澹斜陽  
雅點外照離情別  
夢都酸最難忘金  
勒驕嘶芳草樓前  
鏡中潏潏知何似  
度清秋冷節殘月  
年年羌笛聲中幾  
人搖落江關醉來  
溼盡相思字祝長  
條休拂朱闌待芳  
塵瀆箇愁痕畱與  
人看

側愴傷懷  
拔奇古人之外

朱孝起

一萼紅

湖上春游

燒痕平悄東風一夜吹綠上南屏天半箏絃湖邊簫鼓并作一  
片春聲淡黃柳纔拖金縷看幾時飛絮幾時萍一樣韶華問渠  
攀折何似飄零落日又催寒信檢裝縣半臂便覺多情霧樹  
煙濃迴船浪急天氣難定陰晴黯回首踏歌聲斷莫忘卻前度  
白鷗盟腸斷年年芳艸祇近離亭

神韻獨絕使人  
不思少游

八聲甘州

南屏山看紅葉

算繁華已到盡頭時零落好收場怎重新裝點枝枝葉葉一片  
春光埋怨天公多事幻影太荒唐幾日西風急又早飄揚卻  
似悲歡無定已回腸斷了再續回腸問秋波臨去何苦一回望

冷落心情到此怎當伊淡抹與濃妝休畱戀早些打點衰艸斜

陽

危苦悲哀不能卒讀拔奇古人之外

牆花拂面枝惟

樂天知之耳此篇余有長亭怨和作廉卿又和一闕

人月圓

小橋東畔前溪側門巷綠苔橫四時風景十年蹤跡步步關情

玉人去也舊曾游處最怕經行多情祇有道旁芳艸不忍重

生

河傳

簾卷風輕曉妝時擁髻懨懨起遲玉肌褪殘雙臂支胷肢繡衾

知未知病過春分寒惻惻無氣力莫近紗窗立掩重門款柔

魂溫存雨聲和夢昏

蓮卿小令姚冶跌宕從  
投贈小箋中補錄二首

蝶戀花

丁丑孟春將去河陽作

老去逢春春漸短，客裏看花，倍覺花光軟。  
歸雁風高吹又斷，太行山色和天遠。  
三宿略同桑下館，除卻家鄉，總未畱連慣。  
緊著簪髻鬆著釧，十年消息從頭算。

風調驗蕩陽寄近詞又錄其一蓮卿從南

潘介縣椒坡曉夢春紅詞

浣溪紗

燕子來時掩綠窗，惜春無計駐春光。  
江千日夜柳絲長，別緒無端如中酒，  
那堪幾度立斜陽。而今只索不思量。

賣花聲

好夢倩誰招，闌夜迢迢，薄寒無賴展冰綃。  
一樣黃昏春院月，一

樣魂銷

惜別憶河橋鉛淚偷拋綠窗慵把玉箏調開盡櫻桃

簾不卷明日花朝

超妙

長亭怨慢

延青水榭餞春

曾幾度曲闌閒凭綠易成陰晚煙烘暝一鏡涼漪更無人處水

風定斷魂江渚怕折取蘋花贈杜宇苦無愁又曉老蘼蕪香徑

誰省道天涯春去還把春愁消領傷春似我柰偏向尊前長

醒好寄語燕子歸時休負卻西家妝靚問笛裏江城甚日花閒

同聽

刀揮不斷  
慢詞佳境

高望曾穉顏茶夢庵詞

蝶戀花

樓上春寒眠未穩樓角鷓鴣啼香夢頻催醒廿六紋窗人語靜半  
簾斜日扶花影 憔悴芳姿羞對鏡倦倚妝臺有恨無人省燕  
子不來空自等碧闌干外東風冷

合作

大聖樂

饒秋用草窗韻

苔徑雲荒豆籬煙暗薄陰籠樹倚小闌吟徧商聲敗葉敲窗清  
響似攙疏雨莫問舊時題紅怨共嗚咽回潮沈斷浦詩懷減對  
萸萸尊前慵歌金縷 天涯可憐夢苦聽柔櫓搖空孤燕語道  
曉寒催換斜陽難綰離愁何許怕卷畫簾西風冷剩門掩殘蛩  
深院宇霜華緊早分付夾衣裝絮

一夢紅



言五  
二  
藻簾旌正層陰淒黯曉破乳鳩聲薜澀牆苔侵屐齒落英堆  
滿閒庭休重問畫樓妝曉懶梳裏人意帶春醒燕子歸來小桃  
門巷花事飄零 回憶天涯路遠歎萋萋芳艸亂逐愁生南浦  
煙帆西冷風笛說甚年少心情儘盼斷斜陽消息釀餘寒空外  
暮雲橫怕聽尊前低唱一曲霖鈴通於此典

諸可寶

浣谿紗

舊恨新愁兩不饒人間何事只魂銷寸牋難寫畫難描 酸入  
犬心梅子雨信回江口雪花潮小樓排日盼歸橈宕逸

樊增祥

采桑子 荆江晚泊

娟娟月子隨人慣，寫影春田。鎖夢秋煙，曾見家鄉幾度圓。碧

鸞一去桐心頓，燕子簾前。鷗鷺江邊，一樣青鐙一樣眠。淺苑

程耀采

金縷曲 桂華

冰麝成塵，搗散秋魂。長廊深護曲房低，抱涼露、無聲飄瑤闥。從  
把蘭芳傾倒，試檢與、元霜應好。貽我無聊，深感汝掩疏櫺，月怨  
黃昏。悄單枕、側暗相繞。司香舊職，珠宮小笑，吳剛三生豔福。  
教人偷了幾度西風，傳消息。贏得濃熏沁腦，又只恐、嬌黃吹老。  
雙燕故來，窺葉底、戀餘情。怕計秋期，蚤酣夢乍已驚曉。沈

張鳴珂

綺羅香

和羊辛楣

蜨夢剛回蠶絲盡吐多少纏絲吟緒青鳥傳言又報碧雲期誤  
畫簾半飛絮偏縈曲闌外落花無主看熏鑪心字香銷迢迢蓮  
漏夜如許紅牆遙指一抹猶記雙雙拜月常娥應妬彩筆攜  
來替寫十眉新譜歎團扇漸欲捐秋問桃葉幾曾名渡任地殘  
紅豆相思斷腸人共語

回腸  
欲絕

甘州

甚年時蹤跡似浮萍東風又天涯望鄉關眇邈羊車未到開落  
桃花可是棲香願滿疏雨冷琵琶忍聽哀蟬曲愁鬢都華記

得鳳階橋畔展眉斂殘月同倚窗紗道尋春未晚仙夢碧城遮  
翦淞波綠蕪千里誤幾回燕子傷誰家魂歸也有垂楊處唳殺  
昏雅

此是安  
石碎金

陶方琦

永遇樂

玉河橋觀荷

水殿柔瀾貝宮麗粉掩映斜照太液流光石鯨微動那許秋風  
到翠華飛雨金盤承露多少銖衣圍繞涼生處碧幢飛舞遂有  
人窺蓬島 重重深綠鳳城濃靄髣髴銀河初曉十二雕闌三  
千素面秋色遲晴昊紅牆壓簾迷離宮怨香夢人閒醒早芳尊  
側客塵休浣仙源路渺

元人絕  
勝之作

長亭怨 雨感

詞五

五

苦曉雨纏綿催冷棟葉清陰畫簾搖暝珍簟方牀暗愁不似夢  
時醒紗幮人靜獨吹熱沈檀鼎待離袂重熏又還惜餘香猶臘  
偏恨者天涯飛絮長與春心無定蘭情水盼也解道鏡中花  
影更莫憶月底銀箏是扶酒殢愁曾聽恁奈何紈扇吹涼未秋  
先省幽怨

瑣窗寒

用玉田韻同仲修

衫色扶秋簫聲散水清輝偷凭花光和月攪碎一鉤簾景卻誤  
佗銷金蝶來替燒明燭偎渠冷又花閒玉漏迢迢深夜木犀香  
盡露潤唳蛩徑溯歡游翠窈玉鼻春鼎家山楓葉孤負幾番

秋信指雲中縹緲斷鴻長門數聲何處等遣今宵離夢惺忪翦  
鐙清話穩

滿庭芳

五月五日游天凝寺

碧樹初蟬茜窗雛燕風景卻稱天中光陰黍夢客裏忒怱怱  
負粉紉佳序容相見蠻榼珠櫛桐花底素羅衫子低照海榴紅  
煙空餘梵寂斜陽佛塔新茗山宮漫登高一望怨綠蒙茸便  
是風流褱恰隨胡蝶數徧珍叢微微雨游塵吹散徐度繡金驄  
浪淘沙

病中得仲修青浦道中書

寒色動簾旌愁緒零星栖雅煙點短長亭多少江南風雪路多  
少離情病榻黯難勝燭炷香凝梅花如霰夢無憑便有夢隨

流水去也化春冰

情至之語  
誦之黯然

曾行淦蘋湘蘋影軒詞

琵琶仙

借夢華嶽生夜步長橋上殘月微茫煙水明瑟時聞鷓鴣聲嘔軋掠波東去與高樓長笛相贈答嶽生卽於是夜歸湘中傷離之懷不能自己倚此爲別使嶽生叩舷歌之當亦悄然以悲也

天闊潮寒畫橋外誰倚危闌橫笛深夜吹轉明河微雲澹無迹  
帆乍遠風燈漸亂怪隱了斷岑虛碧霜滿孤舟宵來甚處腸斷  
今夕甚前度殘約江樓只酒醒應思舊游歷歸夢暗憐都阻  
墮蒼煙無力待說與湘娥素怨奈月昏杳渺難覓早是茸帽生  
塵扣舷愁絕

江南好

青溪曲閒立夕陽時欲采蘋花秋水遠畫簾單舸夢遲遲何處  
小姑祠

秦淮好終古水西流流水送春春送客夜深吹笛上高樓樓下

木蘭舟

如聞水樂

瑣窗寒

疏柳搖寒黃昏人靜畫簾慵卷空階小立閒煞紵衣綃扇轉明  
河更闌未沈離愁不似新涼淺怪亂苔四壁殘蛩低絮乍驚秋  
換腸斷芳游嬾記門掩梨花翠尊同款銀牋欲寄爭柰吳山  
籠晚料西窗聽雨自眠夢迴水驛天樣遠待歸時檢與征衫淚  
點和塵浣

庸峭之致  
南宋高手



莊棧中白蒿盦詞

壺中天慢

行雲何處卻分明依舊昨宵華月城上烏曉曉未曉正好三更  
時節巷口煙深窗閒燭暗乍見心先怯那能再與殷勤深訴離  
別 回憶往日來時手中團扇竟難教拋撇幾曲銀屏天樣遠  
尚有輕紗隔絕欲住無言爲愁含笑待與何人說遙知去後比  
前更覺淒切

屈曲洞達  
一轉一深

垂楊

東風幾日怎畱人不住更添金縷曉院流鶯依稀似欲畱人語  
儂心縱使從君訴奈飛燕雕梁嬌妬傷長隄一碧無情任玉驄

嘶去 淒楚連宵苦雨竟沾水漬泥不堪重顧鬢已如絲笛中  
偏惹閒情緒柔枝婀娜誰攀折但贏得離愁幾許年年踈地青

青休怨汝

哀於片玉  
厚於屯田

鳳皇臺上憶吹簫

瓜渚煙消燕城月冷何年重與清游對妝臺明鏡欲說還羞多  
少東風過了雲縹緲何處勾畱都非舊君還記否吹夢西洲  
悠悠芳辰轉眼誰料到而今盡日樓頭念渡江人遠儂更添愁  
天際音書久斷還望斷天際歸舟春回也怎能教人忘了閒愁

清空如話不至  
輕便消息甚微

菩薩蠻

瞳隴紅日纔當午一鉤新月天邊吐相去幾多時參差形影隨  
深宵朱戶裏環佩聲徐起儻許共徘徊羅幃可暫開

寶函鈿雀金泥鳳釵梁敲側雲鬟重莫遣夢兒酣江南春色闌  
音書金雁斷芳艸芙蓉岸當戶理機絲年年戰士衣

六銖衣薄迷香霧畫屏曲曲山無數生小愛新妝輸人眉黛長  
夢回深院靜月過秋千影宮裏醉西施烏曉臺上時

語語  
溫厚

高陽臺

長樂渡

長樂溪邊秦淮水畔莫愁艇子曾攜一曲西河尊前往事依稀  
浮萍綠漲前溪徧問六朝遺跡都迷映頰梨白下城南武定橋  
西行人共說風光好愛沙邊鷗夢雨後鷓鴣投老方回練袞

十幅誰題相思子夜春還夏到歡聞先已淒淒要休提柳外斜

陽煙外長隄

驗過怨抑之境  
爲前人所未開

揚州慢

飛絮時光熟梅天氣片帆又到揚州繞荒城十里尙似舊淮流  
多少尋常巷陌銜泥燕何處句留望紅樓人語沈沈深押簾鉤  
杜郎老去有何人能訴清愁喜學語雛鷁新聲百舌不解含  
羞好向綠陰深處西風動怕報涼秋已荼蘼開到行人休憶春  
游

夜飛鵲

落葉

河橋送行處都已辭枝傍岸卻自依依穠花豔蕊曾陪侍如今

不是將離重來更知何日待春風轉後柳便生稊暫時去也向  
天涯恁用淒其 逶迤平沙回望餘塵漸堆積疑是成蹊可否

回思前度深深蔭暝艸綠還迷新霜一拂怎恁恁便改芳姿但

徘徊衰艸延緣古道惆悵長隄

頓挫非過深入北宋之室

高陽臺

丙子清明題郭湘渠上河圖一角畫扇弔古愴今憂生念亂不自知其階階也

飄拂微風芊眠嬌柳上河時候清明扇底搖春誰人一角重臨

鑾輿猶記揚州駐比趙家圖畫難尋久消沈夢華舊錄且說東

京才人何事依門戶數弁州舊恨直到而今倦客相看此時

別自傷心金戈鐵馬經過眼記百年河外覓旌付閒情渡頭艇

子打槳來迎

碧山白雲之調屈原宋玉之心與寄百端望古遙集止庵所謂能出者也子錄篋中詞終以中白非

徒齊名之標榜同聲之唱于亦以比興柔厚之旨用諧處者二十年舊序其詞有曰閨中之思蓋均之遺則動於哀愉而不能已中白當日非我佳人莫之能解也

唐多令

鐙燄似凝脂紅心艸恐非霏煙煤一樣迷離照得空庭都四徹  
原不藉蠟成堆影隔便難知光畱許眾窺也曾看鏡裏蛾眉  
窗外北風冰正涸只微火轉淒其

虞美人

懷魯仲實

悠悠客鬢生華髮十載音書絕枕函殘夢醒微茫瞥見南飛鳥  
鵲不成行故人識我詞中意說也先憔悴蓬萊方丈不須游  
近日乘槎直到海西頭

二詞皆於時事多所張觸非苟作者

馮燾

一痕沙

月子彎彎清絕秋到海棠如雪  
砧杵夜千家又天涯道是那  
時輕別誤殺鬢邊華髮等得  
浙江潮上蘭橈廣如新黃

馮煦夢華蒙香室詞

一枝花

曉經秦郵過故居作

帆影收殘驛問訊漚邊消息未黃  
寒柳外曉風急湖水湖煙一  
抹傷心碧甚處尋秦七衰草微雲  
依然舊日詞筆霜重城陰  
溼歸路暗驚非昔東偏三五畝  
薜蘿宅十載塵顏算只有積波  
識俊游忘不得認禿樹荒祠乳  
雅猶帶離色幽咽怨斷夢華詞境感遇爲多

琵琶仙

野泊寄排青

何事西風又催我一點征帆東下無那寒驛燈昏沈沈怨遙夜  
秋色裏青袍似艸算離恨不堪重寫倦倚煙篷霜空雁杳誰共  
情語最惆悵石老雲荒漸忘卻城會舊游冶贖有一弓殘月  
映姓川如畫添幾許枯荷敗葦便夢迴誤了亭榭爲語沙際輕  
鷗恁時來也

絲絲無盡

江南好

青谿曲稚柳不勝春獨自吹香橋下過晚鷺如夢絮如塵  
悵悵更何人

江南好



三月莫何事  
夏千卿艸長  
鷺飛春水皴  
勞勞亭下五  
清明東望

不勝情

單調漸近自然

南鄉子

一葉碧雲輕  
建業城西雨  
又晴換了羅  
衣無氣力盈  
盈獨倚闌  
干聽晚鷺  
何處是歸程  
脈脈斜陽滿  
舊汀雙槳不  
來閒夢遠

誰迎自戀蘋  
花住一生

顧影矜寵

河傳

同次泉登夔州城樓

城闕愁絕  
落花時野戍  
殘旂雨微峽  
中一春無鴈  
飛相思北來  
音信稀  
十二青樓臨  
大道春漸老  
處處生芳草  
杜鵑曉人未  
歸路迷片帆  
吹又西

霓裳中序第一

丙子元夕與次泉賜月夢州城東

孤蟾下倦驛落盡江梅春是客城上夜烏正寂漸星暗戍樓煙  
沈荒磧誰歌楚魄罷玉尊腸斷今夕空凝望峽門秋練一道界  
寒白游歷柳邊坊陌有箔影釵光似織年年歸計未得曲櫂  
懸鐙小檻橫笛斷雲迷故國忍重問傳柑信息君休歎園鑪兒  
女尙守杜陵宅

回曲  
隱軫

甘州

乙亥除夕

甚愔愔百歲隙中塵天涯又相催正春鐙上了亂山殘雪來照  
深梧惆悵雞聲馬影人隔楚雲隈簫鼓蛾兒曲懷抱難開還  
念故園今夜趁辛盤薦後西望徘徊揜銀荷不語獨自撥寒灰

總休卜鏡中消息算歸期先負綺窗梅思千里向東風祝莫放  
春回

徐燦

以下闕入

踏莎行

芳草纔芽梨花未雨春魂已作天涯絮晶簾宛轉爲誰垂金衣  
飛上櫻桃樹故國茫茫扁舟何許夕陽一片江流去碧雲猶  
疊舊河山月痕休到深深處

興亡之感  
相國愧之

永遇樂

病中

翠帳春寒玉墀雨細病懷如許永晝惜惜黃昏悄悄金博添愁  
炷薄倖楊花多情燕子時向瑣窗細語怨東風一夕無端狼藉

幾番紅雨 曲曲闌干沈沈簾幙嫩艸王孫歸路短夢飛雲冷  
香侵佩別有傷心處半煖微寒欲晴還雨消得許多愁否春來  
也愁隨春長何放春歸去

相國加鄴墜淵愆  
咎自積此詞殊怨

又 舟中感舊

無恙桃花依然燕子春景多別前度劉郎重來江令往事何堪  
說近水殘陽龍歸劍杳多少英雄淚血千古恨河山如許豪華  
一瞬拋撇 白玉樓前黃金臺畔夜夜只畱明月休笑垂楊而  
今金盡穠李還銷歇世事流雲人生飛絮都付斷猿悲咽西山  
在愁容慘黛如其人淒切

外似悲壯中實  
悲咽欲言未言

唐多令 感懷

玉笛壓清秋紅蕉露未收晚香殘莫倚高樓寒月多情憐遠客  
長伴我滯幽州小苑入邊愁金戈滿舊游問五湖那有扁舟  
夢裏江聲和淚咽頻灑向故園流

金莊

清平樂

淒涼晚色絲雨和愁織夢到楚江行不得一片溼雲吹隔年  
時曾憶城東杏花點點飛紅門外憑他寒食玉闌自有春風  
筆

玉樓春

春曉

早鳥呢起銀蟾落錦帳春寒春意薄天涯路遠幾曾經莫怪夢

中常是錯 起來小婢催梳掠  
著青絲心緒惡無情鏡子不  
憐人暗把紅顏都換卻

賀雙卿

黃花慢

孤雁

碧盡遙天但暮霞散綺碎翦紅鮮聽時愁近望時怕遠孤鴻一  
箇去向誰邊素霜已冷蘆花清更休倩鷗鷺相憐暗自眠鳳皇  
縱好甯是姻緣 淒涼勸你無言趁一沙半水且度流年稻粱  
初盡網羅正苦夢魂易警幾處寒煙斷腸可是嬋娟意寸心裏  
多少纏綿夜未聞便倦宿平田

清空一氣如拭  
厚之旨出於風雅 忠

鳳皇臺上憶吹簫

殘鐘

已暗忘吹欲明誰別向儂無敵如螢聽土階寒雨滴破殘更獨  
自懨懨耿耿難斷處也忒多情香膏盡芳心未冷且伴雙卿  
星星漸微不動還望你淹煎有箇花生勝野塘風亂搖曳魚燈  
辛苦秋蛾散後人已病病減何曾相看久朦朧成睡睡去還驚

調別

顧信芳

浣溪紗

一樹清陰倚粉牆雨餘小院澹斜陽笛聲掩抑似回腸蟾影  
穿簾千點雪玉魂和夢一絲香殘燈無燄更淒涼

鳳髻梳成整翠鈿珊瑚玉骨自生憐未灰心事鵲爐煙粉蝶

帶香迷遠夢冰蠶紫繭怯春寒惜花人老落花天

嫩綠新紅映碧池纖纖弱柳鬪香支一枝紅恨寄相思微雨

燕歸春寂寂暖香花睡日遲遲小樓人嬾似游絲

一雁橫飛萬里秋西風人倚木蘭舟蕭蕭南浦碧雲稠腸是

有情牽別恨心因無蒂帶離愁夕陽影裏凭危樓幾可托手梁汾

### 顧樹芬

浣溪紗

楊花

昨夜東風透露臺無端柳絮徧蒼苔一春心事又成灰無力  
自隨流水去有情還伴落花來天涯游子幾時回天籟

### 李佩金



菩薩蠻

秋夜書懷

冰輪碾破遙空碧  
砧聲敲冷相思夕  
望斷鴈來天  
瀟湘煙水寒  
玲瓏花裏月  
知否人間別一樣  
去年秋如何  
幾樣愁

五代十國之遺

蝶戀花

記得黃昏耽靜坐  
籠柳嬌花春恨吟難妥  
珠箔飄鐙風婀娜  
四圍碧浪春痕簸  
譜就紅鹽蘭燭墮  
擊碎珊瑚唱徹誰人和  
提起閒愁無一可  
淚絲彈瘦細桃朶

金縷曲

莫春月夜懷林風晚蘭於吳中時予將赴中州感賦此

月照梨花白  
背銀屏疏檠黯澹薄寒猶怯  
煙暝一星搖欲墮  
幾樹香桃紅溼卻  
正是銷魂時節  
夢影迷離歸路遠  
聽呢鵲泣徧

春山碧飛不度暮江闊  
柔腸細綴丁香結想於今去原有恨  
住還無益兩地相思終不見何似翻然輕別怕此後更無消息

一點墨痕千點淚看蠻箋都漬殷紅色  
蚪箭響四更微

筆勢奇縱清照

卻步生香館  
詞未見待補

沈芳

一枝春

春雨

作弄輕寒又廉纖釀出離愁多少香車待覓小徑溼煙難埽蕭  
條院宇漸綠長滿階芳草空自望千里行雲雁足不傳書到

黃昏最憐人悄正疏簾半卷一鐙相照十年舊事頓使暗縈懷  
抱寒衾倦聽和鶯語隔窗催曉腸斷是零落梨花好春易老

神來

莊盤珠

踏莎行

病起

最怕殘春落紅堆徑今年人比花先病不教細雨幾番催留春  
一日花應可風定簾閒燕眠梁靜清明近也寒還賸空檐病  
起已無花夕陽只照游絲影

又

春柳

曉月離亭斜陽古渡有時遮斷行人路桃花作伴過清明誰家  
池館藏煙雨拂岸千絲紫橋萬縷影隨流水何曾去笑他無  
計綰東風濛濛吹起漫江絮

一何  
浩渺

菩薩蠻

春蘭

羣芳逞媚韶光裏一花秀影偏無比草綠不逢人空山忽見君

立驚遺世獨獨抱幽香宿春澹只如秋芳心不貯愁

古詩高境

探芳信

絡緯

冷消息到曉露牆根晚煙籬隙正繡衾夢斷西風豆花急殘鏜  
窗裏明還暗月在窗前白忽驚猜巷北街西那家宵績何日  
便成匹怪嚮引絲長緩憐絲澀靜夜寒閨幽韻雜刀尺亂愁誰  
颺千條縷爭把秋心織便無愁也自聽他不得

奇筆

吳藻蘋香雪廬詞

木蘭花慢

擬草窗

明湖千萬頃正春曉鏡奩張看日腳煙浮魚天漲碧鷗夢迷香

橫塘鉤車繡幄趁流蘇髻子鬱金裳空翠遙分鬢影亂紅低颭  
釵梁垂楊嫩綠回黃閒燕翦弄鷺簪認第三橋畔花驄慣識  
酒市深藏恩忙畫船去也漸鐘催暝色入斜陽銀鑰重關乍掩  
半山浩月飛光樂章高格非苟作者

月華清

柳穉勻黃梅嬌墮粉綺襲春暗如霧曉鏡圓冰羞見遠山眉嫵  
計芳信逝水年華疏俊侶畫船簫鼓輕誤問舊時羅袖淚痕紅  
否 渠几重尋笙譜說鬪草無心減蘭空賦燕去塵梁強半繡  
簾香阻玉纖冷怨寫琴絲銀燭短悶敲釵股遲莫又碧雲四合  
晚陰窗戶用意甚深

風流子

聞千十二曲重回首爭忍酌金卮悵昨夜雨疏今朝風驟落花  
小徑飛絮平池餞春會離歌三兩闕添譜懊惱詞芳草有情綠  
應如此夕陽無主紅不多時 韶華歸何處垂楊繫不定裊煙  
絲一霎人閒天上香冷雲癡近黃昏院落湘簾半卷玉階小立  
數徧胭脂腸斷數聲嘯鳥都在空枝高華

闕鎡秋芙蓉影樓詞

高陽臺

送沈湘佩入都

淚雨飄愁酒潮流夢惜花人又長征見說蘭橈前頭已泊旗亭  
垂楊原是傷心樹怎怪他踈地青青向天涯一樣纏絲各自飄

言三  
零 開筵且莫頻催酒便一杯飲了愁極還醒且住春帆聽儂  
細數郵程壓船煙柳烏篷重到江南應近清明怕紅窗風雨瀟  
瀟一路須聽

蝶戀花

幾日池塘雲不住柳也濛濛想做清明雨半榻茶煙和夢煮盡  
屏幾點江南樹 欲卷湘簾風不許如此黃昏休去移箏柱樓  
上晚山青不去夕陽正在雅歸處

高陽臺

夕陽

斷鴈飄愁盤雅聚暝一鞭殘夢歸篷酒醒郵程嶺雲隴樹漫漫  
渡江幾點歸帆影近荒林一帶楓殷最難堪第一峯前立馬斜

看而今休說鄉關路  
濛濛野水瘦柳漁灣  
短帽西風古今無此  
荒寒蘆笳聲裏旌旗  
起問當年誰姓江山  
有悠悠幾處牛羊短  
笛吹還忽聞變徵

清平樂

畫梁春淺簾額風驚  
燕不信天涯人不見  
草也池塘生偏東風  
吹澹屏紗飛飛多少  
楊花何怪兒家夫婿  
一春長不還家  
南樓令

夢醒杏花叢春寒淺  
閣鐘近黃昏  
偃起東風已過今年三月半  
卻只是雨濛濛  
小膽怯屏空濃愁斂  
碧峯好琴絃怎被塵蒙  
算是多情雙燕子  
還何到舊房巢百端交集



鄭芥仙

滿庭芳

用徐君寶妻韻

三月煙花二分明月香車陌上如流變來今日犀甲帶吳鉤何  
日王師雨洗長驅入迅掃貔貅危城裏天荆地棘不是等閒愁  
長淮三百里回頭一笑夢也休休幸分飛兩地翻謝河洲自  
顧此生安寄問前生著甚來由只餘得青燐碧血何處十三樓  
鄭爲山陽程振室殉亂爲此  
詞見儀徵程晚潛庵復筆

篋中詞

金壇馮煦參校

復堂詞

類集五

周美成云流潦妨車轂又曰衣潤費鑪煙辛幼安云不知筋力  
衰多少祇覺新來嬾上樓填詞者試於此消息之不佞悅學卅  
年稍習文筆大慚小慚細及倚聲鄉人項生以爲不爲無益之  
事何以遣有涯之生其言危苦然而知二五而未知十也譚獻  
書

菩薩蠻

綺窗香暖屏山掩菱花半照愁蛾斂繡綫怯衣單鵲啼風雨寒  
遠山眉翠薄素靨輝珠箔紅袖倚花枝亭亭三五時

象牀觸響釵梁鳳嬌鶯喚斷春闌夢裙衩映垂楊會驚游冶郎

一從春色去玉貌渾非故夫婿是浮雲愁風愁水頻

深宮柳色慵眠起章臺夾道車如水付與可憐春房櫳藏玉人  
綠苔緣砌上燕啄銅鋪響殘醉醒還迷門前聞馬嘶

朱絃掩抑聲如訴鈿蟬金雁飛無數人去幾時同行雲何處來  
畫闌圍曲曲敲折搔頭玉花老鬱金堂閒熏沈水香

長亭怨慢

霜楓漸盡書和廉卿

又消受江楓低舞幾徧清霜落紅盈路返照蒼茫亂山憔悴黯  
無緒悵花吹絮曾目送春風去往日倚樓人早領略芳容愁苦  
薄暮望昏雅宿雁卻向隔城煙樹長亭載酒道休負昔時言  
語記得是葦蕩梢頭怕回首尋芳前度奈一晌停車林際葉聲

如雨

醜奴兒慢

晴雲做暝如睡寒山初醒尚留得婆娑衰柳忍記青青幾點蘆  
花誤看飛絮化浮萍霜林深處殘紅未了一樣飄零淺水渺  
茫畫船歸後簫鼓都停問吹笛樓頭人去記否丁寧省識春風  
踏歌扶醉上湖亭而今依舊青衫中酒落照西冷

摸魚子

悄無人繡簾垂地輕寒惻惻如許東風送煖衣纔卸還又繞樓  
疏雨春好處怕落了梅花便算青春暮紅兒笑語道群芳牆根  
秋千索下芳草綠無數天涯遠不斷行雲去去征鴻歸計休

詞一  
誤紅橋雙屐芹泥滑寂寞踏青游侶從閒阻任折柳聽鶯年少  
判虛度懷人正苦更卷起重簾蕪煙漠漠斜日暗南浦  
清平樂

東風吹徧穉柳垂青淺雲樹朦朧千里遠望見高樓不見樓  
前塞雁飛還愁邊多少江山忍把棉衣換了玉梅花下春寒  
青衫溼

春來未有晴時候風雨閉重門今朝折柳明朝飛絮幾個黃昏  
一鐙上了簾前瘦影銷也無魂青衫濕處看來卻是點點啼  
痕

湘春夜月

武迷離幾番風雨花朝賸有一片芳塵渾望斷紅橋燕子繞梁  
飛徧爲怕伊憔悴替壘香巢早長亭折柳天涯盡處春去難招  
空階夜色鬱鬱月冷羅袂飄飄天末風生吹皺了浣紗溪水  
濺上天桃一襟紅淚照往時鬢影蕭條算此際有愁人似我朱  
樓縹緲無寐吹簫

蘇幕遮

綠窗前紅燭底小撥檀槽月邊涼煙碎夜靜銜杯風細細吹上  
羅襟仍是相思淚病誰深春似醉陌上桃花門內先憔悴夢  
到高樓星欲墜零露無聲冷入空閨裏

青門引

人去闌干靜楊柳晚風初定芳春此後莫重來一分春少減卻  
一分病離亭薄酒終須醒落日羅衣冷繞樓幾曲流水不會  
留得桃花影

南浦

杯行漸盡便天涯芳草送征輪此去看花得意休念酒邊人不  
是馬前風雨是臨岐別淚灑紛紛只依然雲樹無多煙水一樣  
動離魂我是近來消瘦最慊慊傷別復傷春怨殺浣紗溪水  
不照舊羅裙日暮歸鴉飛盡賸河橋獨立病中身問翠衾何處  
綠蕪無語已黃昏

洞仙歌

積雨

闌干澱碧疊苔痕多少芳樹陰陰斷帝鳥記簪榴日煖折柳風  
疏妝鏡畔斂袖愁蛾淡掃陌頭新燕去煙雨無情遮斷香車  
往來道徐起拂青琴絃上塵生憑傳語知音歸早怕此去秋聲  
滿江亭賸把酒登樓亂鴻衰草

滿庭芳

花是將離曲成憐子心情不似當年桃笙選夢綠酒說從前滿  
地蘿陰似水無人到鬪草闌邊風初起池萍點點搖蕩不成圓  
聞蟬楊柳外乍調脆管半澀新絃試重問齊宮舊事誰傳消  
受晚來風露離亭樹淡欲生煙聲徐歇高樓微月翠袖隔重簾  
浣溪沙



昨夜星辰昨夜風  
玉牕深鎖五更鐘  
枕函香夢太匆匆  
簾閣焚香煙縹緲  
闌干擷笛月朦朧  
碧桃花下一相逢

好事近

花入畫屏秋花外  
夕陽倏憇高柳病  
蟬嘶起卻晚晴時候  
酒邊知是笑啼難  
風味記新舊  
獨掩盈盈畫扇  
忍伴人消瘦

蝶戀花

庭院深深秋夢斷  
玉枕新涼雨氣和  
愁亂一生鑪香燒漸短  
空房無語芳心軟  
小膽惺忪誰是伴  
瘦到支離病比年年慣  
眼底朱闌千里遠  
西風幾點南飛雁

角招

荷花

近來瘦還如醺水拖煙漸老隄柳欲尋雲際岫盪槳采菱多刺  
傷手悲秋病久看褪盡紅衣蓮畝昨日柔香縹緲有三十六鴛  
鴦向花前低首空有抱香兩袖江南信息爭唱新詞秀翠盤  
珠乍溜細雨微波重來時候登樓念舊嘆綠鬢消磨尊酒莫遣  
簫聲更奏怕雙淚溼青衫人歸後

采桑子

闌干一夜霜華重夢墮寒煙鬢老秋蟬齒舊香殘似去年朱  
顏總被尋常誤筆柱慵拈簾幕依然碧樹當樓更可憐  
浪淘沙

欄檻雨絲柔錦樹當樓芙蓉零亂作深秋不信浮雲從此去都

是離愁 酒盡暮江頭 怕聽箜篌青袍多少淚痕留殘月杏花  
簾幕下往日風流

更漏子

酒杯停人語細月午繡簾垂地收玉鈿卷羅衣海棠憔悴時  
清漏斷迴腸轉誰道秋宵更短纔半晌又三更疏燈聞雁聲

鷓鴣天

城闕煙開玉樹斜幾重簾幙醉流霞井華曾照翩翩袖巷口疑  
聞隱隱車 芳草地玉人家女兒生是斷腸花西風只在高樓  
上吹淡文牕舊日紗

芳草

送別

問西風玉階芳草門前便是天涯驪歌聽唱徹漫持殘酒淚滿  
金杯羅衣親拂拭戀餘香曾入儂懷暫握手匆匆不語斜日樓  
臺頻催滿堂絲竹離亭畔恁許徘徊登車還在眼玉容憔悴  
損首莫輕回銀屏人寂寂有年時明月重來算此後翠衾夢斷  
夢亦疑猜

蜨戀花

樓外啼鶯依碧樹一片天風吹折柔條去玉枕醒來追夢語中  
門便是長亭路眼底芳春看已暮罷了新妝祇是鸞羞舞慘  
綠衣裳年幾許爭禁風日爭禁雨

下馬門前人似玉一聽班騅便倚闌干曲乍見迴身蛾黛蹙泥

他絮語憐幽獨 燕子飛來銀蒜觸卻怕窺簾推整羅裙幅語  
在修眉成在目無端紅淚雙雙落

抹麗柔香新欲破爲卜團圓暗數盈盈朵睡起鬢邊低漸墮鏡  
前細整留人坐 卻換羅衣憐汗顆不喚紅兒自啟葳蕤鎖一  
握鬢雲梳復裏半庭殘日匆匆過

帳裏迷離香似霧不燼爐灰酒醒聞餘語連理枝頭儂與汝千  
花百草從渠許 蓮子青青心獨苦一唱將離日日風兼雨豆  
蔻香殘楊柳暮當時人面無尋處

庭院深深人悄悄埋怨鸚哥錯報韋郎到壓鬢釵梁金鳳小低  
頭只是閒煩惱 花發江南年正少紅袖高樓爭抵還鄉好遮

斷行人西去道輕軀願化車前草

玉頰妝臺人道瘦一日風塵一日同禁受獨掩疏櫳如病酒卷  
簾又是黃昏後六曲屏前攜素手戲說分襟真遣分襟驟書  
札平安知信否夢中顏色渾非舊

金縷曲

江干待發

又指離亭樹恁春來消除愁病鬢絲非故草綠天涯渾未徧誰  
道王孫遲莫腸斷是空樓微雨雲水荒荒人草草聽林禽祇作  
傷心語行不得總難住今朝滯我江頭路近篷窗岸花自發  
向人低舞裙袂芙蓉零落盡逝水流年輕負漸慣了單寒羈旅  
信是窮途文字賤悔才華卻受風塵誤留不得便須去

東風第一枝

省識花風驚回夢雨輕寒恰又輕煖斷魂紅袖香殘半醒翠尊  
酒淺空階竹影又訝是青袍微展鎮故闌數點幽花欲寄一枝  
人遠從別後帳中淚眼知憶否樓頭素面慘悽曉鏡孤鸞冷  
落舊巢旅燕虛簾鉤起有一片柔腸同卷便好春過了江南怕  
過往時庭院

賀新郎

和人

離思無昏曉不分明東風吹斷舊時顰笑疏雨重簾煙漠漠花  
色雨中新好又只怕人隨花老珍重下來雙燕子問玉驄何處  
嘶芳草腰帶減更多少春衫裁翦渾拋了盼長亭行人不見

飛雲縹緲一紙音書和淚讀  
卻恨眼昏字小兒說是天涯春到  
夢倚房櫳通一顧奈醒來各自閒  
煩惱知兩地怨嗟鳥

少年游

高樓煙鎖曲闌風緊修竹影交加  
別樹棲鳥離亭去雁簾外已  
天涯芳梅折倩誰行寄不爲惜年華  
一任殘香玉顏非故認  
是故鄉花

浣溪紗

舟次吳門

五十三橋未是長水流不斷似迴腸  
弄風帆影過吳江玉枕  
啼痕猶昨日翠樓人語已他鄉  
真愁強笑費商量

蝶戀花



梔子花殘蝴蝶瘦。鏡裏晨昏總是愁。時候夢到江南人在否。斷魂付與青青柳。過盡春風三月後。門外斜陽馬上休。回首私語難忘今日酒。玉闌干畔攜雙袖。

鷓鴣天

綠酒紅燈漏點遲黃昏風起下簾時  
文鴛蓮葉成漂泊  
幺鳳桐花有別離  
雲淡淡雨霏霏  
畫屏閒煞素羅衣  
腰支眉黛無人管  
百種憐儂去後知

破陣子

泊舟見官柳一株亭亭如蓋感賦此闕

紫燕黃鸝寒食綠窗朱戶清明簾幙尚留飛絮影衣帶誰聞拜  
月聲畫闌攜手行野水臉波添滿遠山眉黛同青題作人閒

端正樹驛路斜陽一片明西風容易生

解連環

後堂春晚背紅燈影裏酒寒人散自卷幔別淚闌干正斜月輝  
輝斷雲天遠半晌偎儂怎便是三更三點歎從今只有妝臺鏡  
子照人心眼 回頭歲華荏苒記無多笑語總添哀怨謾付與  
約指雙環問何日題詩定情相見繡幄香泥好護惜明年宿燕  
待蕭郎白馬歸來絮飛滿院

相見歡

往時幾度春風過匆匆最苦今年人去落花紅 月如水光千  
里與誰同一樣翠衾香冷枕函空

踏莎行 畫屏

玉樹微寒瑣窗宿雨分明夢到閒庭宇一重簾幙對西風離愁  
不斷浮雲去來雁驚秋吟蛩向暮江鄉景物還如許幾番殘  
月又新霜當時折柳人何處

浪淘沙

楊柳暮蕭條風雨瀟瀟別時春水滿河橋幾日江南鴻雁到燕  
子辭巢玉樹向人凋角枕無聊嗁痕新舊總難銷樓上黃昏  
簾不卷明月今宵

虞美人

天風吹落樓頭月客鬢生華髮枕函迷夢醒還空帳外一星燈

穗吐微紅 書來猶浣封時淚  
留得相思字 江南芳草又逢春  
祇覺一般春色不宜人

河傳

樓畔輕喚鬢低垂  
欲語含羞語遲  
送郎出門郎馬嘶  
相思夢回  
儂未知  
難倩征鴻傳我意  
情似水空灑無名淚  
畫鴛鴦更漏  
長殘妝君眠何處牀

鳳凰臺上憶吹簫

和莊中白

鏡掩虛塵枕寒別淚  
綺窗暗換春風  
悔翠眉輕別  
花月悤悤問  
訊趙家姊妹  
看擁髻都是愁中  
雙棲燕雕梁在否  
容易相逢  
重重故山望斷  
有一片飛雲  
會度牆東  
想倚闌無語  
玉袖嘵紅

不分銀笙吹冷調怨曲銷損芳容春依舊天涯斷腸人去房空  
江城子

江城垂柳一枝枝別君時日遲遲不道東風又是隔年期霧鬢  
雲鬟憔悴損除鏡子没人知小樓花發故人非送斜暉信音  
稀有恨無言明月上羅幃金壺香殘鴛袖冷剛許道莫相思

甘州

問蕭條何事走天涯席帽拂黃塵又當筵紅燭金尊中酒惆悵  
逢春回首花幡綵勝嬾嬾倚樓人一別高樓去日日含顰況  
是物華輕換望長安不見宵夢難真便明年人面雙笑恐無因  
悔從前天寒羅袖倚嬌柔只是少溫存思今夕掩盈盈淚幾處

銷魂

綺羅香

白蓮

與月依依非煙脈脈獨抱愁根遲暮一片行雲爭許妙香留住  
驚夢醒返照當樓聽歌起櫂舟歸浦鎮相憐病榻維摩拂衣正  
在花深處飄零人事盡改休唱田田舊曲江南樂府遠水生  
秋消受和煙和露憐往日羅幃淩波願化身膽餅深護恁禁得  
搖蕩真圓銀塘連夜雨

雨樓令

羊辛楣花谿吹笛圖

岸柳晚颼颼餘酣漱碧流卻臨風三弄倚輕舟吹得月華如水  
冷有多少古今愁一鴈度南樓關山音信休憶春風花影簾

鈎曾是羅襟曾是酒渾不似少年游

眉嫵

梅花洲小泊寄趙桐孫張玉珊杭州

看霜棲柏樹風約蘆碕斂小橋暝屈指芙蓉老冬心誰寄香  
訊斷霞記省料輕鴻曾照雙影更堪想一角朱樓小畫眉遠山  
靚趙北張南門徑羨買鄰計好沽酒邨近約略紅裊醉鴛鴦  
曲琵琶彈到絃冷汎舟路穩問榜人消息應準卻洲畔梅開歸  
趁春風未醒

尉遲栢

西湖感舊用周韵同潘少梅丈作

平隄路正落照欲下城頭樹離離草色城陰前日鈿車來處東  
風宛轉吹不醒離魂夢南浦卻相逢柳外黃昏送他雙燕歸去

回頭海國浮雲難忘是園林坐石萍聚唱徹家山渾蕭瑟話  
幾許零歌斷舞如今又江深草閣但添得巴山一夜語問飄來  
甚處簫聲倚樓應是愁侶

湘春夜月

今年春初薛先生偕秦觀察楊太守送吳少宰于超山有梅邊送客圖紀事予以五月九日之官秀州雨

後過山下梅林陰陰感賦此解

度芳洲綠波碧草茫茫便覺一片春情分付與離觴人在萬梅  
花下耐幾分風雪有幾分香卻畫橈載酒郵亭折柳別緒方長  
青袍似草飄零詞筆禪鬢蒼蒼玉笛聲中吹起了戀香雙羽  
花落江鄉修眉鏡閣等甚時重照梅妝算再到只空枝月影宵  
深漏斷還上船窗



一萼紅

吳山

黯愁煙看青青一片猶誤認眉山花發樓頭絮飛陌上春色還  
似當年翠苔畔會容醉臥聽語笑風動畫秋千一曲琴絲十三  
箏柱原是人閒細數總成殘夢歎都迷蹤迹只有留連劫換  
紅羊巢空紫燕重來步步回旋儘消受雲飛雨散化胡蝶猶繞  
舊闌干不分中年到時直恁荒寒

憶舊游

九月八日紅豆詞人自禾中來踐登高約越日大風雨

不得出微吟寫忽遂成此解憶二十年前與魏滋伯丈  
楊綱士重九唱和有壽樓春詞回頭  
影事已墮秋煙兼道山陽之感矣

正瀟瀟風雨漠漠城闌如此重陽負了尋秋約怕登山臨水楚  
怨微茫廿年舊游蹤跡分付與衰楊算省識當時六朝襲屐九

日壺觴 秋涼綺懷減想似水僧寮潤到衣裳各有看花淚黯  
青袍顏色冷落餘香一任晝陰陰地愁雁語昏黃待洗出秋容  
明湖澹冶西子妝

金縷曲

唐鄭月夜懷勞平甫

木葉飛如雨繞空舟惟聞闌恨悄無人語蓬背新霜侵衣袂冷  
壓釭花不吐料此際微吟閉戶三徑蕭蕭蓬蒿滿記從前褰屐  
歡難補春去也惜遲暮 飄零我亦泥中絮歎明明入懷月色  
夜深還去芳草變衰浮雲改況復美人黃土算生作有情原誤  
莫倚平生丹青手看尋常顏面皆行路哀與樂等閒度

霓裳中序第一

柏雲小築梅萼初發尋春未遲

紺英展凍靨二月春風初著力江上蘼蕪弄色好盪箇吳舫試  
迎桃葉絲絲雨溼傍小池籠影清徹人清瘦乍調鶯語幾點上  
妝額清絕舊游會識看參橫玉梅如雪移根孤嶼拂拭倚竹  
生寒羅袖岑寂一枝親許折問三店雙橋信息歸來蚤商量眉  
黛留取夜闌說

虞美人

柔塵吹闇絲鞭道繡轂知多少玉河柳色又今年消受飛花飛  
絮晚風前斜陽只合遲遲下我已魂消也殘妝有鏡更無人  
留得鏡中小影自溫存

霞明煙細還如舊只覺桃花瘦有風無雨過清明慣了天涯不

慣杜鵑聲 玲瓏格子鑪香裏只共梨花笑儻教吹笛影兒雙  
多謝四更山月照幽窗

點絳脣

臨平道中

側帽東風輕撓翦斷朝來雨去年客路愁聽車鈴語 黛色臨  
平影作眉痕聚春如許玉人心緒恐被眉痕誤

謁金門

春曉

人未起聽盡一湖春水林外杜鵑聲不已杜鵑華發未 多少  
深闌羅綺臨鏡不勝悲喜華發遲遲華落易留春須蚤計

山花子

曲曲銀屏畫折枝檐華欲笑向伊誰樓上輕寒羅袂薄最相思

詞六  
頻拂粉絳鸞鏡暗乍調筠管鳳簫遲綠鬢裴回渾不是少年時

門外蕭郎駿馬行章臺初日踏歌聲妝閣夜長金穗落未分明  
黛掩娥眉山隱約笙調怨曲玉瓏玲胡蝶夢中單枕側不須驚

望江南

東風路如畫是家山草色卻隨流水綠夕陽只在有無閒燕子  
話春寒

花犯

唐鄭梅花林下作

倚東風看花霧冷芳心付流水去帆陰裏望暮雨朝雲無限離

思弄珠負了韶年紀前歡猶贖幾恁記省半江顏色嬋娟相料  
理無言繞花易黃昏依稀認窈窕文禽煙際仙袂舉疏枝外  
不禁憔悴漣漪碧晚來照影春夢好憐他鷺喚起但領取玉樓  
顰笑寒香生翠被

洞仙歌

初秋

楊枝弄碧繫天涯心眼幾日涼風便零亂畫橋邊一片流水無  
聲人獨立暮角將愁吹斷春城煙雨裏如縹緲藥曾拂檐華  
笑相見我已獸聞歌玉邃蒼涼又吹起十年清怨問采采夫容  
隔西洲卻樹下門弄爲誰留戀

西河

用美成金陵詞韻題甘劍侯江上春歸圖

江上地長亭草樹猶記夢回故國渺鄉心斷鴻喚起萬方一概  
聽笳聲煙波來去無際耿長劍何處倚楊枝渡口船繫烏衣  
巷畔有春風晚蘆故壘倒吹淚點上征衣知佗江水平水女  
牆夜月過小市照飛蓬歸來千里往事幾回塵世只龍蟠虎踞  
山形依舊還枕滔滔寒流裏

最高樓

金眉老煙雨尋鷗圖卷中有王定甫通政陳實庵編修蔣鹿潭大使宗湘文郡守及眉老唱和詞

煙雨裏脈脈只悲秋風片薄酒波柔綠楊不是靈和樹白頭重  
上采菱舟百年身千古事一登樓 曾去也倡條和冶葉人去  
也斷雲還缺月涼別袂觸鄉愁相逢客路如南鴈欲尋舊艣問  
閒鷗賸華年與流水兩悠悠

蝶戀花

水香蠶餞曹

零亂楊枝千萬縷今日爲萍昨日還飛絮  
禪榻鬢絲青又去東風不伴閒華住  
幾點繞簾梅子雨潤到屏山畫箇江潭樹門  
外天涯芳草莫眉顰深淺渾無語

南歌子

不煥臨分帶羞調已碎琴當時情竭爲知音  
憔悴青山何況舊羅襟  
黃月如冰冷銀杯借淚深少年景事總銷沈  
只有微波來去到而今

瑣窗寒

連夕與子珍步月秋心渺緜感賦此解用玉田韻

淺酌吟香單衣卻燭畫闌同凭虛幰卷起月上一庭華景問何



時羽衣舞殘玉樓遠憶人閒冷恁無端葉底新霜不管井梧飄  
盡苔潤尋芳徑便涼收翠扇煥餘金鼎含情寫怨誤了弄潮  
音信正閣中秋夢不成鞦韆海棠華下等傍妝臺鏡于團樂天  
涯歸未穩

齊天樂

許邁孫煮夢庵填詞圖

璫窗朱戶尋消息明蟾與華俱瘦病榻玄談柔鄉景事曾付青  
春消受微波似舊問弄度通辭箇儂知否老卻夫容晚鴛獨自  
戀珍偶輕颺罷吹暗牖曲終人乍去離緒拖逗遠水長東殘  
雲漸暝箇裏情濃如酒閒吟醉後只煙外迷離故園楊柳便不  
相思隊歡何處有

浣溪沙

題樊雲門詞卷

別院東風著意吹，晶幰不卷雨霏霏。  
等閒過了牡丹時。花外燕鶯猶旖旎，  
酒邊箏笛沒參差。道人原不解相思。

記得華年是鏡中，背燈人面隔花風。  
天涯只在桂堂東。不語任佗瑤瑟冷，  
回頭已是畫屏空。十年影事忒怱怱。

綺羅香

題李愛伯戶部沅江秋思圖用梅谿韻

韋瘦芳心柳迷倦，眼回首佳人遲莫。  
一片愁魂還被水雲留住。思故國不隔西風，  
奈離緒尚縈南浦。最憐佗松柏同心，  
往來寂寞鉤車路。清秋江上望遠，祇恐回帆，  
浪急公今無渡。霧失峰青，蕉萃鏡中眉嫵，  
垂翠裏人憶當年倚簾牀。夢醒何處，恁禁得。

彈冷箏絲瀟湘和鴈語

一萼紅

愛伯桃花聖解庵填詞圖

晝陰陰待題箏昵酒華髮謝冠簪歌管東風星霜別夢前事都  
付銷沈黛眉淺厭厭睡損又喚起簾外怨春禽杏子單衫梨花  
雙靨愁到而今猶有平生詞筆只空枝細草日日傷心木末  
關河雲中殿闕風雨無伴登臨願重倚如人寶瑟數絃柱芳歲  
共侵尋記得班雕繫門一寸花深

長亭怨

燕臺愁雨和陶子珍

任愁緒鷓鴣嘯冷滑滑天街雨昏煙暝潤到單衾幾時成夢幾  
時醒蛩蟬聲靜偏獨自偎金鼎裏一縷餘香乍記得渠儂燒臘

卻恨者珠歌翠舞付與曲廊人定妝臺鏡暗記曾照月痕星  
影向客舍淝徧輕塵鎮蕭瑟與君同聽便去也吳娘休唱一般  
思省

二郎神

清秋夜集人月如畫當歡欲愁

吐雲華月便墮作鏡中嬌面正玉樹煙迷香蘭霧細賺得柔情  
似繭素扇携來團樂影有幾日輕涼相見思淺綠酒波低紅鐙  
穗儘容留戀聽徧晚樓倚邃不勝淒怨但婉變清歌碧天如  
水一片梁塵在眼寶瑟比人春華同笑芳景怕成秋苑還只恐  
後夜風風雨雨畫簾愁卷

解語花

陶少真珊簾試香圖

花鏤寶蕊酒醺香波妙豔相思句卷簾微雨鑪煙裏小坐避人  
不語柔馨澹泞在幾曲銀屏深處清夜游微步珊珊攸滿車塵  
路我亦鳳城小住好沾蘭染麝姚冶游侶分囊傳吧都銷冷  
但有煥心一縷秋情未暮更繚繞月魂疑霧襟裋寒攜向天涯  
留舊痕如許

臨江仙

紀別

昨夜酒闌人未見玉郎從此天涯清秋倦客正思家十年景事  
回首夢京華不分車前重握手柔腸結了還加嘯痕欲寫臉  
邊霞無言強忍怕染路旁花

度江雲

大觀亭同陽湖趙敬甫江夏鄭贊侯

大江流日夜空亭浪卷千里起悲心問華華不語幾處輕寒恁  
處好登臨春旛顛覆憐舊時人面難尋渾不似故山顏色鶯燕  
共沈吟 銷沈六朝幫屐百戰旌旗付漁樵高枕何處有藏雅  
細柳繫馬平林釣磯我亦垂綸手看斷雲飛過荒潯天未暮  
只是陰陰

謁金門

人寂寂江北江南春色繞樹輕煙迷倦客煙中山半額 榆火  
梨花時節獨自怎生將息簾外弄寒風又急子規聽不得  
空繾綣休認當年人面雨雨風風渾不管落華飛滿院 付與  
清明魂斷折得楊枝還短樹下門前千里遠出門儂又嬾

詞六  
煙雨裏十二闌干慵倚飛絮飛華人似醉生憎江上水 檢點  
羅衣殘淚帶眼莫將官繫夢短夢長渾不記餘寒憐翠被

桂枝香

秦淮感秋

瑤流自碧便作就可憐如許秋色祇是煙籠水冷後庭歌歇簾  
波澹處留人景裏西風數聲長笛綵旗船舫華燈鼓吹無復消  
息 念舊事沈吟省識問會照當年惟有明月拾翠汀洲密意  
總成蕭瑟秦淮萬古多情水奈而今秋燕如客望中何限斜陽  
衰草大江南北

法曲獻仙音

盤屋路山甫罷官客淮上

高柳無絲幺荷非鏡賺得春人都老坐斷斜陽夢同行雨殘英

有枝空繞凝望眼江波渺離尊那堪倒  
渾閒了怎收臺入時  
梳裹聽杜宇簾卷總成獨笑風雨滿天涯奈而今眉黛慵掃怕  
損魚鱗寄音書流宕難到問樓頭月色後夜隔華涼照

鵲橋仙

七夕感汾陽故事

羅雲愁薄緒風催莫燭照擎梧酒淺絳河淼淼向人垂是別淚  
經年流滿江湖節序睽離心事忍記星期近遠尋常行路更  
何人問可有駟車相見

大酺

問政山中春雨

看舞榆低絲楊綰爭忍良辰拋擲無端敲竹雨響空階疑是故  
人雙屐枕溼爐寒杯空劍鏞吹鬢東風欺客勞勞亭前路便傷



言六  
心不似少年時節者人遠多忘書催難好付渠憐惜  
泥涂遙望極望中見山外天空闊怕說與鷓鴣兒巧  
嘲蝶子輕翻待相逢翠幃將息煖到雙羅袖會記得  
牽羅顏色更長笛誰吹徹梅瓣都墜容易緗英收拾  
脆圓幾時薦席

木蘭華慢

桃花

過風風雨雨尙留得一叢花便欲舞還停如顰又笑  
巷曲人家胡麻賺儂老去者仙山一出是天涯消受  
趁時勻染腦邊一片朝霞交加照水一枝斜鬢影誤  
年華記渡江用楫停辛佇苦別夢都差丹砂漫尋句  
漏向紅塵何處走雲車只是輕衾小簾從渠玉管金  
筍

浪淘沙

未雨已沈沈  
簾外輕陰淡黃柳色望中深  
一片東風吹乍起  
江上愁心  
倦眼阻登臨  
袖手閒尋雲愁海思雨難禁  
百草千花  
渾不解獨自沈吟

浣谿沙

是處樓臺是處風  
夕陽欲下可憐紅  
水晶簾外望玲瓏  
芳草生時人似雁  
鏡匳掩處鬢如蓬  
不成將息祇慙慙

大酺

奈枕常敲裘常攤  
愁病桃華時節紅芳原不改  
過蕭蕭風雨闌  
銷顏色燕姁鶯嬌梨  
昏柳暝哀樂何曾忘得  
驚心長亭路但春

泥沒馬好留車轍便山欲化雲絮都成淚怨離傷別 年年挑  
菜日怕多露門外青蕪溼有幾許瑤琴餘恨淥酒餘歡到而今  
總成追憶更與吹橫玉還弄徹落梅淒切正迢遞斜陽驛嘶騎  
遙駐人在江城天末倚樓忍聽幾疊

訴衷情

梨花淡白自成村華下不開門春愁更與誰道憑燕子語黃昏  
簾乍捲覓巢痕與銷魂問伊來處綠草天涯有箇人人